




戴季陶先生惠存

世界進化指南

韓覺初



期限表

DATE DUE


鑒定人

饒 芙 裳 廣 東

姚 明 輝 太 平 洋

賀 靜 安 四 川 江  
校 閱 人

李 貞 白 雲 南

李 熙 福 建

朱 爲 潮 廣 西

周 沆 貴 州

黃 炎 培 江 蘇  
馮 官 堯 廣 東

陸 達 節 廣 東

詹 行 炆 廣 東

# 人道進化函序并凡例

沈乙簠復函 浙江人 民國十年七月初十日

大箸六冊。拜讀一過。囊括萬學。歸納空前。拜服無地。弟臥病數月。尙未能呈序文。異日當奉上。此復。

瓊崖道尹饒芙裳函 民國八年五月初二日

誦來緘、併呈人道書六本。繙閱數四。此實人間少見之書。雖皇極經世。不足喻其奇也。如此驚人著作。理宜早公諸世。以供人群研究可也。此復、

姚明輝函 民國十年五月 太平洋人

陳邵之學久絕。不圖復見於今日。凡例五則。愜心貫當。所願全豹之早窺也。弟素習孔經。兼學佛老。且治科學。爰識斯道之一貫。而寡識者或以爲罔。至於氣數專家之學。弟門外漢也。然深信之。曾研求律歷之學。知此劫之不能免。未識高明以爲如何。嗚呼。我至聖先師莫載莫破之學。其孰發之哉。形下化物。相率而入於地道。樂此不疲。曾不知苦。舉世惛惛

。誰獨昭昭、先生之先、殆乘桴而入於海也耶、弟曾著有律歷小記一書。異日願呈教。屈指計天下朋友。求如先生之學。蓋罕其人矣。此復、

又函、前函卽作爲先生凡例五則之跋語可也

又函、渴欲與先生一見、未知可得否、

姚明輝再函 民十年五月廿一日

捧讀還雲。所論極契。救亡多術。各盡能力。惟壹意物質。則必至相率而入於畜牲道。如抱薪救火。揚湯止沸。可爲痛哭流涕長太息耳。尊論所謂人劫必日演日劇者。名言出於精理。確乎其不可拔。然末劫已屆。轉瞬回春。學無大小。悉歸一元。科學小技。異日皆細民之工師。至於治天下爲國家。非大道莫屬也。太平有日。先生必亦一人物也。願爲世珍愛。有沈乙盦先生者。當今博學大儒。偷先生願往見也。願携賤刺以爲介紹。此公住上海新開路辛家花園沈鴛湖西首沈寓洋房內。每日九十時見客。偷携賤刺往。必可得見。此公海內博學大儒。不可不一見也

李貞白函 雲南人 民十一年八月廿日

舉世滔滔。輕本重末。一縷生機。危何可言。弟欲創前古未有之奇。一撞警鐘。使世界人類。同登神聖。各暢天機。適互助生存之美。反以廿載奔馳。未竟此志。得讀大箬。深佩苦懷。知先生以非德不足以挽回浩劫。非道不足以創造古今也。異日息肩有期。當與先生把臂崑崙頂上。暢話世界興亡之前因後果。今當暫別。聊寄數言。併頌福音。

黃炎培函 江蘇人 民十年四月廿八日

弟盡日勞勞於社會服務。於人生原理。雖畧知大概。愧未嘗爲統系的研究。此中正耐尋味。所可言者。此書固有至濃厚極精微之研究與味者也。會又有南京行。二日返。倘有緣。願更一晤談。

琼崖道尹周 沅函 貴州人 民七年十月

辱賜書。併見示大箬。精研性命天人之學。宏編鉅製。洵屬下璧隋珠。祇以俗務紛紜。未能詳爲拜讀。何敢冒昧加序。且自問簿書鞅掌。學殖久荒

未足爲文家代表。來示推許。愧不克當。原書奉璧。尙希鑒原。

賀靜安復函 四川人 民十三年三月

誦來緘、暨附箸述六冊。足徵關懷世道。孤詣苦心。披閱編端。已堪欽佩。書暫存留。且俟得閒詳參。再爲緘達璧返可也。

序

孔子云。溫故而知新。予於文昌韓君覺初見之。余巡瓊崖。韓君呈人道進化一書。分爲人生人性人氣人爲人死五種。其原理皆能發明先賢所未發。詰其授自何人。據云、人道數根。授自其尊人聖準先生。九九數本。得之周易重卦。人道本然順數。得之邵子皇極。人道勉然逆數。得之中庸學理。書雖五種分詮。不過發明中庸之精義。初疑其言誇張。繼繙閱數四。於過去現在未來。皆能本息盈虛消四氣。歷歷說明。其以息盈二氣。上推過去既準。驗之現在亦準。以虛消二氣。下推未來。言亦有理。其書以人道爲主。以大道大數爲根。以天、地、人、物、歲、月、日、辰、八氣爲證。

。於道之體用本末常變順逆。必求其極。於中庸始天終天之義。不啻新出於硯。此實人間少見之書。其關係羣化誠非淺鮮。非溫故知新者。不能有此大發明也。余特爲序。併勸早日發刊。以供世界研究。

中華民國八年八月二十日 瓊崖道尹饒美裳謹序

## 人道進化凡例 併自序

一本書名爲人道進化。分爲人生、人性、人氣、人爲、人死、五種。

一人生進化。一據地質學。二據胎生學。三據人類學。四據中國形上學。分爲十二期發明。

一人性進化。先哲有性善、性惡、性善惡混、諸說。茲據中庸天命謂性之旨。分爲命性、稟性、受性、生性、育性、率性、養性、煉性、盡性、九者研究。下分六期發明。

一人氣進化。分爲生人大合、死人大分、二者研究。下分息盈虛消四會發明。



一人爲進化。分爲順中順、順中逆、二者研究。自然進化爲順中順。勉然進化爲順中逆。先驗現在人事。上推過去。下推未來。據地史人事進化的階段爲推考。實據人氣自氣息盈虛消四者爲準定。

一人死進化。先哲但渾言其理。茲分爲本數、劫數、雜數、三者研究。始合終分爲本數。天地人物劫爲劫數。自戕自盡、人刑人賊、衛生失宜死、爲雜數。三數有常有變。分爲息盈虛消四會發明。

一本書以人道爲主。以大道大數爲根。以天、地、人、物、歲、月、日、辰、八氣爲證。

一欲知人道進化。須知時字之義。考世界人事。由肇基、而分歧、而發達、而全備、而大同、而衰落。如人自少、而壯、而中、而老。其氣由息、而盈、而虛、而消。當息氣時期。則做息期的事。當盈氣時期。則做盈期的事。當虛氣消氣期。則做虛消期的事。今人不必非古。後人亦不必非今。時爲之也。

一欲知人道進化。須知道之源流。現世人事發達。科學發明。專求形下而遺形上。茲沿流而溯源。復由源而及流。使知道之體用本末。本歸一貫。務期晰物唯心的學。漸次渾融。

一欲求人道進化。道在溫故知新。如天氣地氣息新。不新則進化機息。人氣物氣息新。不新則化生機息。查現世人類一千六百萬。其內外機體。皆大同小異。是天地巧於造人。推之百世。以迄無終。天地造人造物。其新新不已氣機。更不可思議。外人知此。故曰進化。中人昧此。故曰退化。急起急起。與天地爭進化。方不爲天演人演所淘汰。

一欲求人道進化。要據實物以求學。中國二千餘年不進化。皆由學者泥文字以求學。茲以天地人物之自然者。以求學之真。以天地人物之人爲者。以求學之究竟。使知道雖大。不外天地人物。文字不過爲天地人物之代表名詞。外人據天地人物真相以求學。故學日進化。中人泥代表名詞以求學。故學日退化。我國先聖。無文字而能得道真諦。始得此旨。

一欲求人道進化。須知學術有外內。就物質上研究。所謂外學之外學。就物質上之精神研究。所謂外學之內學。就天地人物進化之原理研究。所謂內學之外學。就身心性命之真元煨煉。所謂內學之內學。現世學術。其粗者不過得其形質。其精者不過其形質中之精神。其至精者或得天地人物進化所由然之原理。然就此以研究。物質進化。元質可化爲元精。元精化爲元氣。元氣化爲元空。飲食、居住、實業、交通、戰術、種種。不難遽進極點。但科學進而人劫亦進。如鎗礮戰終。毒氣電氣雜氣戰隨之。雜氣戰終。日氣戰隨之。夫至日氣戰出世。人劫何堪設想。小則禍一洲。大則禍全球。甚則人類滅。德意志鐵血主義之結果。殺人有二千四百餘萬之慘劇。可爲左證。必修身心性命內學之內學以救濟。方可免莫大之人劫。

一欲求人道進化。須知學有體用。現世新舊交訖。患在不知體用。不知內學爲外學之體。外學爲內學之用。內學造極。可盡己、盡人、盡物、盡

地、盡天。外學造極。亦可造己、造人、造物、造地、造天。如聲學造極。聲通天地人物有大能。光學造極。光通天地人物有大能。電學造極。電通天地人物有大能。化學造極。化天、化地、化人、化物、氣食、氣居、空食、空居、有大能。力學造極。移山、填海、鑿陸、成河、蒸汽、降雨、騰雲、盪霧、運氣、抽風、有大能。玄學造極。知行天地人物大中小九九氣數有大能。內修學造極。全己、全人、全物、全地、全天有大能。內學爲體。外學爲用。修內學而不修外學。或類釋老之玄空。修外學而不修內學。必有日戰之浩劫。必體用兼全。內外文明並進。方是大同大道。

一欲求人道進化。道在喚起世界。使一般人群。知研究科學。有造己、造人、造物、造地、造天、的可能。修煉內學。有盡己、盡人、盡物、盡地、盡天、的可能。大家家都從此去做外內學的工夫。由現世做至後世。做完外學內學的分量。即造成無地無天世界。

一前此人事幼稚。只有少數太上人種。識得盡己、盡人、盡物、盡地、盡天、的實理。如羲、農、黃帝、堯、舜、禹、稷、湯、尹、文武、旦、望、孔、曾、思、孟、等。問世僅見一人。現世人事發達。必多數人羣。皆做盡己、盡人、盡物、盡地、盡天、的實事。方能進化無疆。

一前此人事幼稚。只有少數人爭天爭地。故天權勝人。如孔子不能挽春秋。孔明不能復一統。現世人事發達。必合多數人爭天爭地。人權方能勝天。如英人成蘇彝士。美人成巴拿馬。再後世必合世界人而爭天爭地。天地當無奈人何。故前此天事有權。後此人事有權。

一中國載道之書。以中庸爲精。以周易爲至。茲本中庸精義。衍爲進化六原理。併發明盡己、盡人、盡物、盡地、盡天、五大權。唯中庸始終原天。本書始終原大道大數。原大道大數。或原天之遺意也。

一欲求人道進化。須知大道體用本末。考大道本體不易。大用變易。大末交易。本體不易。大道所以萬古常存。大用變易。大道所以萬古常新。

大末交易。大道所以萬古常庸。何謂本體不易。如天體氣九九合。地體氣八八合。人體氣七七合。物體氣六六、五五、四四、三三、二二、一一合。氣合方能生生。天之生也大合氣。地與各氣星之生也中合氣。人之生也小合氣。物之生也又小合氣。合而生生之體氣。天地人物一也。體氣不生不滅。不加不減。是謂大道萬古常存。何謂大用變易。考體氣合。用氣分。如天用氣始化分爲陰陽大五行。次化分爲陰陽中五行。正雜氣星。次化分爲陰陽小五行。人物化生氣。氣皆化化不息。方生生不息。化生無端。生者生而滅者滅。加者加而減者減。其生滅加減。愈進化亦愈新奇。有非人可思議。是謂大道萬古常新。何謂大末交易。如歲氣由春而夏。爲息氣交盈氣會。由夏而秋。爲盈氣交虛氣會。由秋而冬。爲虛氣交消氣會。由冬而春。爲消氣交息氣會。一歲如斯。千萬歲四氣循環如斯。上推地天。紀、劫、元、○、四氣循環如斯。下推萬物。年月、日、辰、刻、分、秒、四數循環如斯。是謂大道萬古常庸。

一以十元言曰大道。道始於太極一元。凝於上帝一神也。以九九言曰大數。例如九九年爲一世紀。九九紀爲一劫。九九劫爲一元。九九元爲一〇、所謂九九歸一也。九九歸一。則一卽九九。唯一元大道。始於太極。九九大數。肇於天根也。

一氣數有順逆。順數有自〇、而一、而小、而稀、而秒、而分、而刻、而辰、而日、而月、而年、而紀、而劫、而元、而〇、之序。〇有九九元。元有九九劫。劫有九九紀。紀有九九年。年有十二月。月有三十日。日有十二辰。辰有八刻。刻有十五分。分有六十秒。秒有一千一百稀。稀有一萬一千小。小有一億一萬一。一有一兆一億〇、此爲日會內始〇終〇之順數。逆數有自一、而二、三三、四四、五五、六六、七七、八八、九九、之序。九九爲天大數。八八爲地中數。七七爲人小數。六六迄一一。爲物又小數。

一九九爲氣數之總名。天大九九。數大循環。(九九〇)地中九九。數中循

環。人小九九。數小循環。物又小九九。數又小循環。數雖有九九八八、七七、六六、五五、四四、三三、二二、一一之名。而總不外九九數。九九者。物數始終之假名也。唯數愈大者數愈減。數愈小者數愈加。數愈大者循環愈遲。數愈小者循環愈速。如天氣○始○終。爲大循環。地與各氣星元始元終。爲中循環。人與物、劫紀年始終。及月、日、辰、刻、分、秒、姑終。爲小循環。及又小循環。如太空中之么生。秒生秒化。太氣中之虫風。刻生刻化。然充周於太空者皆么生。彌漫於大氣者皆虫風。是知無○無┘不生化者氣數也。無小無梯不生化者么生也。無秒無分不生化者虫風也。無秒、分、刻、辰、日、月、年、紀、不生化者、物與人也。無劫無元不生化者、地與各氣星也。無元無○不生化者。天與大氣數也。大氣數無極。天數至大。故天祇一天。地與各氣星數中。故其數有限。人與上中等物次小。故其數有量。最下如虫風么生。則其數無量。此道所以語大莫載。語小莫破。唯大氣數、一天也。



天、一天也。地與各氣星。人與物、及虫風么生。亦一天也。氣數無○無了不生他。么生無小無稊不生化。虫風無秒無分不生化。物與人無秒、分、刻、辰、日、月、年、紀、不生化。地與各氣星無劫無元不生化。即天氣無○、了、小、稊、秒、分、刻、辰、日、月、年、紀、劫、元、不生化。天氣無元無○不生化。即大氣數無元無○不合分。是天地人物本同一體。地與人物統於天。天又統於大氣數。中庸所謂君子之道費而隱也。

一欲知人道進化。須知天氣進化。天始無極。其數合而又合。合至於無所不合而爲大數。其氣熱而又熱。熱至不可思議之度而爲大氣。次大氣漸裂爲無邊界恒星會內之氣體。其熱度無量數。次恒星會之氣體。又分裂爲三千界正雜氣星、大小游星、衛星、彗星、等等之氣體。其熱度有量數。大氣既裂爲各星之氣體。其氣團而又團。團至於無所不團。而爲無邊界恒星、正雜氣星、大小游星、衛星、彗星、等等星象之氣團。凡無

邊界之星氣。皆由氣質進爲流質。流質進爲定質。定質進爲溫質。溫質變爲冷質。氣質會內。旋動不息。流質會內。流動不息。能自發光。定質會內。凝結不息。溫質會內。化生不息。冷質會內。分解不息。凡無邊界之氣星。既皆變爲冷體。其象化而又化。化至于無所不化而歸無象。其氣冷而又冷。冷至不可思議之度而歸無氣。其數分而又分。分至無可分而歸無數。此天氣進化始○終○之大凡。

一欲知人道進化。須知地氣進化。地球氣由太陽氣分裂而出。由氣體、而液體、而固體、而溫體、而冷體、氣體會內。旋動不息。由無定形旋成半圓形。復旋成渾圓形。液體會內。流動不息。始爲升騰汽點。次爲沸騰水點。終爲熔液火汁。能自發光。如今太陽然。固體會內。外層凝結不息。由濃煙薄膜。凝爲土塊厚壳。復結爲堅固花剛。但層段未厚。地火爆發。全球震動。上下反覆。溫體會內。化生不息。由植動多而礦多。次三物迭爲消長。而終礦多。始地火爆噴。火山各處多有。次火山漸

少。終無火山。始南北極先生物。次冷却而結冰。南北寒帶的地不能生物。次冷至今之溫帶。漸不化生。終冷至今之熱帶。亦不化生。由地層凝結逐會愈厚。地心火氣不能上達。太陽熱力蒸汽逐會愈滅。地氣不能上升。天氣就不下降。失水火既濟的化工。故不生不化。冷體會內。分解不息。由外層解至中層內層而歸無極。此地氣進化始終之大凡。

(一)欲知人道進化。須知物類人類演進之序。考地球進化至溫體元會。熱度在一百二十三度以下。爲初生物時期。第一期化生變形蟲類。氣數得一一。一者、二又生一。該蟲類化生循環不已之數。二期化生珊瑚蟲類。氣數得二二。二者、二又生二。該類化生循環不已之數。三期化生軟壳及無骨類。氣數得三三。三者、三又生三。該類化生循環不已之數。此三期但見化生。未見戰爭。至四期化生魚類。氣數得四四。大生化。大戰爭。至四四期終而衰。五期化生蜚蠊類。氣數得五五。大生化終。愈大戰爭。至五五期終而衰。六期化生獸類。氣數得六六。大化生

。尤大戰爭。至六六期終而衰。此六期皆證之地段化石。及胎生學。而有明瞭之確據。至七期化生人類。氣數得七七。初七期人與物爭。物爲人害也。次期人與人爭。人爲人害也。次爭私利私權。君權爲害也。次爭公利公權。對外有爭。對內少爭。但民權尙爲害也。次爭天利天權。對地對天有爭。對人無爭。已是大同化理。次爭天德天道。天道消長有爭。人道盛衰無爭。自是大同至治。終爭大道自然。漸歸于不道不德。人類化生七七氣數將終。地球溫體幾變爲冷體矣。

一人氣進化。有順有逆。順爲天然進化。其氣由息而盈而虛而消。人氣日趨日下。逆爲勉然進化。其道由盡已、而盡人、而盡物、而盡地、而盡天。人道日進日上。順數進化。天主有權。逆數進化。人主有權。

一物氣進化。與人氣天然進化等。唯始氣先於人氣。終氣後於人氣。物始氣所以先人氣者。人爲物之靈。物爲人之兆。人兆未生。物兆已萌。氣有先後。氣靈者後。氣蠢者先。氣全者遲。氣偏者早也。物終氣所以後

人氣者。人有靈魂。物無知覺。人有心思。物無情欲。無知者數長。有知者數短。無情者氣永。有情者氣耗。木石唯無情。故能萬年。地唯無情。故氣五元。天唯無情。故氣九九元。大數唯無極。故不可思議也。至歲氣進化。由息而盈而虛而消。以春夏秋冬四時定之。月氣進化。以朔後、上弦後、望後、下弦後、各七日有奇定之。日氣息盈虛消。以十二辰定之。辰氣息盈虛消。以八刻定之。須準地球南北。赤道正與不正。併準地球東西、太陽出入早遲爲差。

右述天、地、人、物、歲、月、日、辰、八氣進化。皆係順數。獨人道進化。則係逆數。順行易。逆行難。故做天易。做人難。由天但順天然氣一貫到底。任大氣之由息、而盈、而虛、而消。各氣星之爲正、爲雜、爲大、爲小。地球之由氣、而流、而定、而溫、而冷。人物之自生自滅、自加自減。無論歷劫如何。他終不願。故老子謂天地不仁。以萬物爲芻狗。不仁非天。自然順氣一貫到底。乃爲天也。至人必盡人爲勉然。

逆道。由盡己而盡人、盡物、盡地、盡天。一一皆以人力做到底。不知竭幾許血誠。方能做到盡己字。尤不知竭千萬世無量數人手力、腦力、心力、性力。方能做到盡人、盡物、盡地、盡天、字。故天以順。人以逆。順行易。逆行難。中庸言參天配天。參字配字。實非容易。

一欲求人道進化。工夫須從自字做起。中庸言誠者自誠。道者自道。自字工夫做不到。而欲言誠言道。雖有百聖人如義文周公在我前。亦無奈其何也。是誠也。道也。父不能教其子。師不能教其弟。要在我之自得。孔氏成爲大聖。老氏成爲大仙。釋氏成爲大佛。西藝成爲神奇。工夫莫不由此。

一欲求人道進化。必先鍊成真我。孔子做到無我。吾人當做到有我。須知自有地球生人以來。能存一我字于天地間者。不數數覩。唯孔氏修道合大道之真。老氏修氣合大氣之本。釋氏修性合大數之根。能存真我于世界。餘多歸若有若無之數。須知個人之我不必有。世界之我不可無。一

時之我不必有。百世之我不可無。欲求世界百世之真我。不自世界百世求。而自我身百年求。亦不自我身百年求。而自我心我性我命息息求。求而修之盡。方能合而成之至。合而成之至。而真我方出世。四大假合之假我不得而參。孔子無我而爲儒教祖。釋迦空五蘊而爲佛教祖。老子不道不德而爲道教祖。皆得此旨。

一本書爲修大道起見。故收納衆學。併包各教。唯仍以孔教爲主。漢學爲本。由學孔而先業漢學也。

一大道本無涯際。雖收納全球萬學。併包世界各教。尙未能罄其中藏。茲就管見所及。由人而地而天道而自然。畧爲叙述。引導一線。至將無外無內無始無終之道蘊。發揮盡致。次第實行。當俟至德至道之人。

一本書因世界人群。尙未識得進化一線光明的路。故本天、地、人、物、歲、月、日、辰、自然進化息、盈、虛、消、四氣。上推下推。而得人道勉然進化所由然的道。非敢自云先覺。時爲之也。

一本書始于中國變政。草於歐戰發生。成于革命數四。意在救劫。非徒言學。

中華民國十五年八月十三日覺初子紀于海外文昌后庵別墅







大事業。皆欲自手經營。做人不能做之事。立世所未立之功。世界進化迅速。多由此種人。但促進心過猛。自雄氣太烈。究其弊。必有戕億兆生命。滅古今道德而有所不恤。如秦始皇元世祖拿破倫等。進行氣非不猛。退化實居多半也。

何謂有根人道。進化佔大數。順數進化。有由息而盈而虛而消之序。逆數進化。有由已而人而物而地而天之序。有根人道者進化。上上者能知進化所以然原理。上中者能知進化所由然原理。上下者能知進化所必然原理。中上者能知進化本然原理。知所以然原理而力求進化。如孔釋老等。知所由然原爲而力求進化。如羲、農、黃帝、堯、舜、禹、稷、皋、益、契、湯、尹、文、武、旦、望、顏、曾、思、孟等。知必然原理而力求進化。如宰我子貢等。知本然原理而力求進化。如中西豪傑名賢藝士異人等。此四者皆知人道有本根。雖識有高下。行有安勉。要其創造世界。有功人道一也。

何謂有根人道。退化佔小數。人爲進化。有自始而終之順數。亦有自下而上之逆數。有根人道者。知性命有不變之根。謂命之窮者終難亨。數之剝者難驟復。不知始終九九之數。人不能與氣數爭。盡人合天之道。人必能與氣數爭。彼知天事有權。而人事無權者。甘爲世外幽人。如晨門荷蕢丈人等。皆進化無心。退化有氣也。

右列有根無根人進化退化。又有息盈虛消四氣。盈氣人進化退化佔大數。息氣人進化退化佔小數。虛氣人進化退化佔小數。消氣人皆退化者。詳人氣篇。至人爲進化。種類綦繁。茲舉其要者列左。

(一)人類進化。人類進化。由物類而人類。始而人物未分。次而人猿漸別。爲野人及蠻人時代。次而人事肇基。爲部民及平民時代。次而人事分歧。猶是平民時代。現世人事發達。漸進爲國民時代。國民時代。科學發明。當有多數優等人種。研究科學。做造已、造人、造物、造地、造天、的工夫。成爲多數藝人異人。多數藝人異人力求進化。做外內學

成己、成人、成物、成地、成天、的王夫。當造成多數天人至人。而人事全備。多數天人至人力求進化。做完外內學盡己、盡人、盡物、盡地、盡天、的道。當造成多數聖人神人。而世界大同。大同後。人事衰落。豈有太上人類。盡修真的道。造成多數真人佛人。主持清淨虛無世界。人類進化。皆時爲之。

謝業問、發達期。科學昌明。能造成多數藝人異人。其餘人類如何。答、現世人事發達。人演劇烈。能隨時力求進化者生存。不能進化的人類。如非洲黑人。美洲赤狄。日本蝦夷。臺灣生番。不歸天演淘汰。必歸人演淘汰。我國劣種佔多數。優等人類。亦未能研究科學。做造己人造物造地造天的實功。可危可危。

謝業問。現世人類。必如何方能生存。答、現世科學發明。除却研究科學。無生存的門路。須知研究科學。一可造己。二可造人。三可造物。四可造地。五可造天。大可競爭生存。

謝業問、科學造己的實例。答如己目不能見天上物。造望遠鏡則能見天上物。己耳不能聽遠。造德律風則能聽遠。己身不能飛空。造飛機則能飛空。己目不能見微。造顯微鏡則能見微。然此但爲造己之初步。若化學深造。化食可以延年。氣食可以大壽。空食可以不死。聲光化電力學造極。均可通天。其造己更無限量。

謝業問、科學造人的實例。答、如仿戈同氏研究雙生胎兒法。仿英劍橋大學實驗人性法。可以改造人性。研究人種胎生學。可以製造人種。造電鏡試溫等器。精解剖藥水等法。可以療治人病。然此但爲造人之起點。若科學推廣。人人知化食。人人可以延年。人人知氣食。人人可以大壽。人人知空食。人人可以不死。人人知改造人性。可使多數人性。日進至善。人人知製造人種。可使世界人種漸進大同。其造人更無限。謝業問。科學造物的實例。答、如用火化生鷄鴨卵。用電化生五穀。用藥料化生各物。是爲造物之起點。若化學深造。天地不能生化者。化

學能生化之。天地生化遲慢者。電化能迅速之。其造物更無窮盡。

謝業問、科學造地的凡例。答、如移山填海。鑿陸成河。開山通道。

騰雲盪霧。升汽降雨。運氣抽風。是力學造地之權輿。寒地不生。用電

以生。礱土不化。用電以化。地有土中下三層。聲氣不通。用電以通。

地有氣液固三體。原質不化。用電以化。是電學造地之大概。大地有災

。分化得盡。自無大雷大禳大晦大疫大煞之災。大氣有利。化合得宜。

自收化食化居氣食氣居之利。是化學造地之大端。

謝業問、科學造天的凡例。答、如天氣不能生者。用電化以生之。天

氣不能化者。用電化以化之。再吸日而燃燈熔鉄煉金融銅及煨煉一切。

空中自來火利用無窮。化空而爲空食空居空行空遊。日會外各星球可通

消息。但今非其時。

應魁問、科學有弊否。答、科學有大利亦有大害。唯現世當過渡時期

。不得不藉爲進化導線。

應魁問、何謂科學爲過渡期進化的導線。答、現世人事發達。不有科學發明。導人做造已造天造物造地造天的工夫。今不能勝古。後必不能勝今。世界長此悠悠。循天然順氣進化。由息而盈而虛而消。人類日趨日下。必如虛靈子所云。幸科學發明。導人日求進步。前人不能做的事。今皆能做。兩間所未有的事。今皆以次實現。由發達做至全備。後會地界。當大進文明。雖外界文明有弊。漸演漸進。必由外學而講內學。外內並進。世界可躋昇平。

應魁問、科學能造成多數藝人異人。科學能造成多數天人至人否。答、科學能造成外界文明的人類。不能造成內界文明的人類。天人至人。內外皆文明。必外內學兼修。方能完成己成人成物成地成天的分量。應魁問、內外學兼修。從何學之。答、學己學人學物學地學天學今學古學前學後。而歸於自得。無物不學。才是真學。無物不師。才是真師。



起豐問、修外內學成己成人成物成地成天的凡例。答、如外學能造化食化居化遊。是外學成己的凡例。內學能修公理公德公道。是內學成己的凡例。外學能製造人種。使不優者漸進于優。優者漸進于最優。是外學成人的凡例。內學能改良人性。使不善者日進于善。善者日進于至善。是內學成人的凡例。外學能化分物氣。使物氣無災。能化合物氣。使物氣利用。是外學成物的凡例。內學能和物氣。使相刻者皆相生。相制者皆相成。是內學成物的凡例。外學能通上中下三層地氣。能化上中下三層地質。是外學成地的凡例。內學能窮本然必然所由然所以然的地理。能修體用本末常變順逆的地道。是內學成地的凡例。外學能化太空中

的天氣。能察日會外的天象。是外學成天的凡例。內學能窮本然必然所由然的天理。能修體用本末的天道。是內成學天的凡例。

起豐問、修外內學可造成多數天人至人。修外內學可造成數多聖人神人否。答、外內學兼修。可造成無私無己之天人至人。若神人聖人。須

外內的道。各臻至極。盡已盡人盡物盡地盡天。道之體用本末常變順逆。皆能由本然而盡所以然。方能造到。下篇方詳言之。可參觀。

起豐問、藝人異人天人至人聖人神人真人佛人之區別。答、藝人多能。異人多智。天人無私。至人無己。聖人無功。神人無名。真人無氣。佛人無道。

應元問、中國古時亦有神聖。如羲農軒轅堯舜禹皋益稷契湯尹文武旦望等。併有大聖如孔。大仙如老。大佛如釋。真人如喬松。異人如扁鵲鬼谷。藝人如公輸子。今後之藝人異人天人至人聖人神人真人佛人。何以能有多數。請道其詳。答、前此之異人聖人仙佛。出自天生。問世僅見一人。後此之藝人異人天人至人聖人神人佛人。權由人造。世界到處多有。如公輸子造木鸞能飛。古以爲異。今造輕球飛機。世以爲常。扁鵲見人臟腑。古以爲異。現電鏡燭見臟腑。人以爲常。發達期。科學昌明。人漸有權。故能造成多數藝人異人。全備期。文明演進。人大有權。

。故能造成多數天人至人。大同期。文明至極。人有全權。故能造成多數聖人神人。衰落期。人權雖退。大劫劇烈。太上人類。迫而修真爲真人佛人。人爲之。實時爲之。

應元問、後會當有多數天人至人聖人神人。從何決定。答、以現世人事發達。科學發明決之。現世人事倘不發達。科學無一發明。人種不知進化。國民猶多好古信神。天事必長此有權。人類必循順數而日趨日下。現世爲奔馳的人。後當爲沉迷的人。再後爲遭劫的人。又後爲鬼形的人。最後爲螻蟻的人。如虛靈子所云。唯現世人事發達。科學發明。人漸有權。天漸無權。造己造人造物造地造天的工夫。皆由科學發明爲起點。世界優等人類。從此做去。必能造成多數藝人異人。多數藝人異人從此做去。必能造成多數天人至人。多數天人至人從此做去。必能造成多數聖人神人。多數天人至人聖人神人。據今優等人類力求進化而決定。決之于現世人事發達。人爲有權。

明軒問。現世國民不可好古信神。孔子何以好古信神。答。孔子生春秋時宜好古。我生現世宜好今。孔子時距周文武周公的古不遠。進而上則爲商湯伊尹的古。再進而上。則爲唐虞夏堯舜禹臯益稷契的古。人皆神聖的人。世皆昇平太平的世。孔子安得不好。我去古已遠。距來今則近。我好全脩期的來今。人多天人至人。世多昇平的世。我好大同期的來今。人多聖人神人。世皆太平的世。我好未來的今。猶甚於孔子好已往的古。至信神一節。孔子本不信神。亦不排神。觀其告樊遲務民之義。敬鬼神而遠之。可謂智矣之言可見。唯時當人事幼稚。藉之以維係人心。今則人事發達。宜主張人權。餘可置之閒位。

明軒問。全脩期。當有多數天人至人。其餘人類如何。答。上等人類。則修外內學而爲無私無己之天人至人。其餘人類。亦爲天人至人所領導。而歸無私無己之範圍。方能造成公理公道之昇平世界。至不歸公理公道之範圍者。必歸天演人演淘汰圈。如舜竄三苗之例。

明軒問。大同期、當有多數聖人神人。其餘人類如何。答、上等人類。則全外內道。而爲聖人神人。其餘人類。亦爲聖人神人所感化。同作太平無事、太和無爭的人。偶有最下劣類。必爲地劫淘汰。

明軒問、衰落期當有多數真人佛人。其餘人類如何。答、衰落期。天劫酷烈。必修元精歸元氣。元氣歸元神。元神合元虛者。方能不滅。真人修至無氣。故能透空尋各星球爲殖民地。佛人修至無道。故能以三千界爲宇。而法界周徧。其餘人類。能修真者則離地氣而空居。不能者必歸天劫淘汰。由七期人類。氣數將終。地球溫體變爲冷體。冷至不可思議之度。地界物類先滅。地體亦分解云。

(二)飲食進化 飲食進化。有由生食而熟食和食化食氣食空食之序。生食爲太古之民。生食野人時代。不識不知。與禽獸等。飢則求食。飽則食餘。人體大偉。人壽大永。循自然故也。熟食爲燧人氏以後之民。熟食人民。得火氣觸動腦髓。知能漸啓。人體尙偉。人壽尙永。知識簡單。

故也。和食爲三代後，迄今中國之民。和食人民。得五氣觸發腦髓各機關。智慧日增。機械日出。人爲分歧及發達職是故。但和食五氣錯雜。有妨礙衛生。人體漸小。人壽漸促。化食者。化元質爲元精。吸精液不吸粗粕。化食人民。外知衛生之術。內知養精之宜。人體漸健。人壽漸延。氣食者。化液體爲氣體。以利氣食氣居氣行氣遊人群之用。氣食人民。外知養生之術。內知養氣之道。人民大壽。空食者。化元精爲元氣。化元氣爲元空。復化空爲氣爲液爲固。吸真實之品。實吸真空之元。空食人民。外知化空之術。內修性命之元。元神不滅。空食人民。化繁得大合數。人爲衰落會也。氣食人民。化學得中合數。人爲大同會也。化食人民。化學得小合數。人爲全備會也。和食人民。化學得又小合數。人爲發達及分歧會也。熟食人民。未知化學。人爲肇基會也。應元問、太古循自然。故人體大。人壽永。上古尚自然。故體枕天。壽猶永。後世失自然。故體小壽促。現世爲奔馳的人。後當爲沉迷及遭

劫的人。體尤小。壽尤促。最後爲鬼形及螻蟻的人。體愈小。壽愈促。由天氣由息而盈而虛而消。日趨日下之故。今謂化食人民。體漸健。壽漸延。氣食人民當大壽。空食人民當元神不滅。有何根據。答、古時天權勝人。故循自然而體大壽永。失自然而體小壽促。後此人權勝天。故始盡人爲而外講化食。內講養生。故體可健。壽可延。次盡人爲而外講氣食。內講養氣。故體大健。壽大延。終修道而外能空食。內底煉神。故元神不滅。

應元問、化食養生。何以可延年。氣食養氣。何以可大壽。空食煉神。何以元神不滅。請指其人以實之。答、化食人民。智識漸優。知醫生衛生養生之宜。故年可延。如老彭知養生攝氣術。壽八百餘歲。後教其婦采女養生。亦三百餘歲。今四川李景雲。知養生術。坐如龜。眠如狗。行如鶴。已有二百五十歲。現世歐美名醫多研究返老還童新術。最近巴黎名醫窩羅路夫與司地那車。二人同發明是術。已著成效。即割去人

青春泉的肉。換以猴青春泉的肉。人壽可延至一百四十歲。世界人皆如是替換。人壽平均可一百二十五歲。須知化食人民。知醫生衛生養生之術。故體可健。壽可延。至化氣修氣而壽大延。唐之張翥知九九術。宋初陳搏知黃白飛昇術。可爲代表人。至空食煉神而元神不滅。老子釋迦可爲代表人。但今非其時。

應元問、現世飲食。有多般不等。有生食者。有火食者。有和食者。化食人民已鮮。至氣食除龜息外。罕見其人。空食則未之聞。請申其說。答、飲食進化。非至其時不知。如生食人民。不知火食方法。火食人民。不知和食方法。和食人民。不知化食方法。化食人民。不知氣食方法。氣食人民。不知空食方法。時至則一般人民皆知能。今當和食時期。化食方法。尙鮮知能。烏知氣食空食。時至自知。

(三)居住進化。居住進化。有自穴居而巢居宇居樓居水居氣居空居之序。穴居爲太古之民。巢居爲有巢氏以後之民。宇居爲黃帝後迄今中國之民。



樓居爲歐美及中國各商埠之民。水居爲樓居進化之民。氣居爲水層樓居大進化之民。空居爲地界進化終極之民。今外人買地。有上置至天。下置至底之契約。殆知將來當有樓居百層。水居低層。及氣居空居之數。謝業問：居住進化之理由。答：居住進化。皆逼乎時勢不得不然。如上古穴居。穴居不能避毒蟲猛獸之劫。則進爲巢居。巢居不能避風雨之劫。則進爲宇居。宇居不能避入煞之劫。則進爲樓居。樓居不能避陸地五盈之劫。則進爲水居。水居不能避水地五盈之劫。則進爲氣居。氣居不能避地球五虛之劫。則進爲空居。易云。道窮則變。變則通。通則久。斯之謂歟。

謝業問：宇居入煞之劫。有何法可消弭。答：宇居建築。不知通風排水潔清殺虫防雷防火防疫防病方法。人煙稠密之地。大煞大火大疫大痘大疔大災大雷必不免。諷吉建築。西動東煞。北動南煞。利此害彼。究非善法。欲求入煞全消。法在通氣。併講排水殺虫諸法。入煞自不爲

凶。故字居制度。諸煞難逃。樓居建築。百魔可掃。

謝業問樓居五盈之劫。有何法可消弭。答、欲消樓居五盈之劫。一防火。用化學土金建築。二抽風。使清氣往來。三自治。使私居潔淨。四公治。使公地澄清。五排水。使污水歸滙。六殺虫。使微菌不生。七清糞。使糞料歸總。八化人。使死人氣速化分。九化物。使死物氣速化分。十防疫。使氣不傳染。十一防病。使氣不衝觸。十二防雷。使電氣疎通。樓居當少五盈之劫。

謝業問。水居五盈的劫。有消弭方法否。答、消字居八煞之劫。法在通氣。消樓居五盈之劫。法在換氣。消水居五盈之劫。法在化氣。化氣而爲氣食氣居氣行氣遊。自免水陸五盈之劫。

(四)實業進化 實業進化。有由漁獵而畜牧耕稼工商化氣化空之序。初民佃漁獵獸而食。生食裸體。無衣無服。無器無用。爲野人之始。次漸知熟食。并服皮衣。漸製石鍋石白石刀石斧石箭等器。爲野人石器時代。

次人類漸繁。漁獵不足供生活。進而畜牧牛羊爲食料。其時火食已久。漸由石器進爲銅器。中國伏羲時代。卽其會也。次人類增進。畜牧不足供生活。進而樹藝五穀及播百穀爲食料。爲神農氏以後迄今中國之民。中國向來以農立國。四千餘年。皆以耕稼爲大宗。所謂大利盡歸農是。今美利堅實業雖極興盛。尙以耕稼爲根本。但現世人類愈繁。大地生生有限。人類日用不窮。各國無地可耕。無業可營。耕稼窮復進爲工商。工商爲歐美及東洋之民。工商人民。既盡地上地下水陸天然之利。復盡化學勉強生化之利。似可利用無窮。無如人類由中盈而大盈。大陸棲居無地。進爲水水居無地。將奈之何。且後會地氣漸冷。歲氣漸變。和食不能避劫。進爲化食。化食不能避劫。將奈之何。勢不得不化元精爲元氣。及化空氣中各種元素爲實業。以利氣食氣居氣行氣遊人羣之用。此實業大進化會。亦實業大艱難會也。化空者。亦迫于地劫太烈。故進而化太空各種份子爲實業。及化元精元氣爲元空。以利空食空虛空行則

遊人羣之用。此實業進化終極會。亦真人佛人、將離地球而尋各星球爲殖民地會也。

按實業所包甚廣。而衣食遊器用居數者爲大宗。如古卉服皮服。今已由衣裳而進爲便服。古爲生食火食。今已由和食幾進爲化食。古爲穴居巢居。今已由宇居而進爲樓房。古交通爲木車木舟。今已由電車電輪而進爲飛機。古器用爲木金土原質。今已進用化學科。如石器進爲銅器。銅器進爲鐵器。今則金類非金類。次利用。不用原質。而用化學料。至幣制進化。古無所謂幣。但以有易無。次用皮幣。今已由銅幣銀幣。而進用金幣紙幣。後當純用紙幣。而終無幣。至取火一節。古以木取火。次用石。次用鉄。今進而用化學材料。如火柴電火。後當用空中自來火實業進化。乃時爲之。

熙準問、古之實業。皆用原料。今之實業。何以漸用化學料。答、由科學進。二由事勢迫。皆時爲之。如樓居百層。非用化學金土建築。

難避大火。飛機凌空。非用化料。不能升至高層。人氣大盈。非用化學食料。難辟菌毒。至飛電傳電。律風傳聲。電報傳信。電燈傳火。電鏡獨人。映鏡望遠。機器留聲。相機映相。化學機器化分化合。非用化學資料。不能達完全目的。科學進化。亦時爲之。

熙準問、幣制進化。現用銀幣金幣紙幣。後當純用紙幣。終歸無幣。無幣何以交通。答、人人能化氣。而爲氣食氣居氣行氣遊。化空而爲空。食空居空行空遊。用幣何爲。後當純用紙幣。而終無幣。乃時爲之。

熙準問、化氣化空。上等人容或有之。人人能化氣化空。恐未必然。答、如實業進至現世人事發達期。人種不知進化。不知科學。做工商競爭農業改良的人。尙如黑人紅人然。不歸天然淘汰。必歸人爲淘汰。實業進至空倫期。外學不知電化。做化食化居化遊的人。不爲天演淘汰。必歸人演淘汰。實業進至大同期。外學不能化氣。做氣食氣居氣行氣遊的人。不爲歲劫淘汰。必爲地劫淘汰。實業進至衰落期。外學不能化空

。做空食空居空行空遊的人。不歸地劫淘汰。必歸天劫淘汰。大同衰落二期。必知化氣化空方能生存。猶今發達期。必知工商競爭。農業改良。方能生存。時愈進則劫愈劇。程度愈高則生活愈難。人人能化氣化空。亦時爲之。人力無可如何也。

熙準問、何謂化居化遊。答化居。化大地的氣而居。如大地有雷。以防雷鉄化之。自無雷災。大地有火。以化學金土建築化之。自無火災。大地有劫煞疫癘膏災。以通氣抽氣排水殺虫潔清化人化物諸法化之。自無大劫煞大疫癘大膏災之凶。是謂化居。化遊。化大地的氣而遊。如荒僻地氣不宜。用化學品以化之。使不宜者亦宜。南北極地氣太冷。用電氣以化之。使太冷者不冷。是謂化遊。

(五)倫理進化 倫理進化。有由天然配合。而獸倫人倫倫類倫班終無倫之序。初民人獸不分。但循天然配合之氣。次人群野合。知有母不知有父。是謂獸倫。次辨男女。別姓氏。制嫁娶。伏羲始定爲人倫。人倫

進化。有男女然後有夫婦。有夫婦然後有父子。有父子然後有兄弟。有兄弟然後有朋友。有朋友然後有君臣。至父子有親。君臣有義。夫婦有別。長幼有序。朋友有信。唐虞始定爲倫理。倫理者人倫有條理也。堯舜制爲倫理。至極而無復加。本可通行百世。無如君不君。臣不臣。父不父。子不子。夫不夫。婦不婦。兄不兄。弟不弟。朋不朋。友不友。而倫理窮。整頓倫理。世無堯舜君臣。因仍倫理。則皆傷倫敗理。勢不得不進爲倫類。倫類者。分類爲倫。如優等人類。與優等人類爲倫。最優人類。與最優人類爲倫。其不類者不得爲倫。如堯舜廢朱均而不子其子。罪共驩而不臣其臣。湯武伐桀紂而不君其君。周公誅管叔而不兄其兄。孔子出妻而不婦其婦。責原壤而不友其友。所謂不君不臣不父不子不夫不婦不兄不弟不朋不友。不得入倫之類。此時勢迫人進化至道。雖聖人復起。不能易也。倫類進化既極。數當進爲倫班。倫班者。分班爲倫。如孔子歸大聖班。老子歸大仙班。彌迦歸大佛班。聖聖仙仙佛佛。

倫歸一班也。倫班進化既極。數當進爲無倫。無倫者。如父無心而自與子相親。夫無心而自與婦相感。所謂始天然。終自然也。

吾元問、世界有無神仙。答、現世科學神仙漸次出現。修內學可通天。修外學亦可通天。如聲學造極。聲通天地人物有大能。光學造極。光通天地人物有大能。電學造極。電通天地人物大有能。化學造極。化己化人化物化地化天有大能。力學造極。運氣抽風躡空凌虛空行空遊有大能。氣學造極。氣通天地人物有大能。數學造極。數通天地人物大中小九九有大能。內修學造極。神通天地人物有大能。前此所謂神仙修之虛。後此所謂神仙修之實。前此所謂神仙只有少數。後此所謂神仙實有多數。人爲之。實時爲之。

吾元問、有何大道。造到聖聖仙仙佛佛世界。答、時之未至。聖人不能先時而開。時之既至。人群不能逆時而閉。如聲光化電等學。孔子不爲。今衆人亦能爲。非衆人優于孔子。時爲之也。時至人發達。自有



多數優等人種。爭修科學而爲藝人。時至人爲全備。自有多數人種。爭修公道而爲至人。時至人爲大同。自有多數人種。爭修天道而爲聖人。時至人爲衰落。自有多數人種。爭修大道而爲真人佛人。前此所謂大聖大仙大佛。出自天生。只有小數。後此所謂大聖大仙大佛。出自人爲。當有大數。聖聖仙仙佛佛。班班實現。何人非聖非仙非佛。又何人是聖是仙是佛。聖歸不聖。仙歸不仙。佛歸不佛。今人不必笑上古獸倫之野。亦不必羨後世倫班之奇。時爲之也。孔子老子釋迦。亦世界大聖大仙大佛之先導耳。

(六) 語言進化 語言進化。自無而有。自合而分。自小中大分而小中大合。初民有聲無言。有鳴無語。自生食進爲熟食。顛毛漸落。舌尖漸靈。喉音漸亮。語言方啓。考語言區別之理由。一由歧地。二由歧國。三由歧時。四由歧種。五由歧族。六由遺傳。七由和食。八由閉關。遂由小分進至中分大分。考言語化合之理由。一由交通。二由通婚。三由合

種。四由合治。五由化食。六由氣食。七由氣居。八由氣遊。遂由小合進至中合大合。查現世語言有一千八百餘種。大別不外三類。一獨音類。二變音類。三聯音不變類。將來交通日便。合婚日衆。治統日大。飲食日進。語言當由小同而進爲中同及大同。小同期言語小數化合。中同期言語多數化合。大同期言語全數化合。此必然之數。

(七)文字進化。文字進化。與言語等。自無而有。自合而分。又自分而合。初民無紀。次而結繩。以中文論。始爲卦畫。次爲書契。由蝌蚪而大篆小篆而隸而楷而行而草而省畫不等。有日趨簡要之勢。據現世文字歧分論之。有漢文滿文蒙文回文藏文東文印文波文埃文英文德文法文俄文希臘文羅馬文葡文西班牙文猶太文墨文巴西文秘魯文智利文三千餘種。大別不外三種。一中文。創于倉頡。書法自上而下。二西文。創于法盧。書法自左而右。三梵文。創于山西吉。書法自右而左。將來交通日便。語言日混。領治日大。文字必多合併。國力強者存。文簡要者存。至

大同時期。文字必歸統一。至衰落終期。文字當歸無紀。此必然之數。  
(八)知能進化。知能進化。有由無知無能而生知生能良知良能小知小能競  
知競能多知多能大知大能至知至能終于不知不能之序。初民由猴人化  
爲野人。食息配合。祇循天然。有何知識技能。厥後化生日演日進。漸  
知火食。漸造石器。人遂生知生能。後有聰明神靈者首出。道明天道。漸  
德明天德。一般人羣。遂進爲良知良能。再後人類日繁。人事日歧。智  
識技能日演日出。一般人民。遂進爲小知小能。現世人爲發達。科學發  
明。人智日巧。人藝日新。遂演爲競知競能。由競知競能而演進。一求  
科學能造己。二求科學能造人。三求科學能造物。四求科學能造地。五  
求科學能造天。一般人種。遂進爲多知多能。再由多知多能而演進。一  
修外內學以成己。二修外內學以成人。三修外內學以成物。四修外內學  
以成地。五修外內學以成天。世界人羣。當進爲大知大能。復由大知大能  
而演進。一盡己所以然的道。二盡人所以然的道。三盡物所以然的道。

。四盡地所以然的道。五盡天所由然的道。太上人類。當進爲至知至能。至其極。道歸不道。德歸不德。而終不知不能。知能進化。亦時爲之。吾元問、中國人民二千餘年。不知進化。現世科學發明。人種當由競知競能。進爲多知多能。大知大能。至知至能。恐未必然。答、前此閉關時代。人事幼稚。人演未烈。無知無能的人種。或可倖存。如苗民毛民然。現世界交通。人事發達。人演劇烈。能研究科學。有造已造人造物造地造天的知能者。方能競爭生存。否則必歸天演人演淘汰。至全俸期鐵路航路空路尤大交通。人演尤烈。必修外內學有成已成入成物成地成天之多知多能者。方能生存。否則必歸天演人演淘汰。大同期人却雖退。地却增進。必修外內道有盡已盡人盡物盡地盡天之大知大能者。方能生存。否則必歸地却淘汰。世界愈進化。則生存愈難。現世人爲初發達。生活問題。已難解決。况後此人類。由中盈而大盈。其生活當難於今多倍。而謂知識技能不增進。可倖存于人却劇烈的世界。吾不之信。

(九) 教道進化。教道進化。有由自然而拜物而有化而神道教。人道教。天道教。大道教。終無教之序。初民無化無教。只循自然。但野人時代。何識何知。毒蛇猛獸等物。傷人甚多。爭不勝爭。遂生畏懼而起拜物的心。如現世未開化人種。拜物教然。中國天地人皇及無懷葛天時代。有化無教。老子所謂其政悶悶。其民淳淳是。至龍馬呈河。伏羲畫卦。神道教于是始。人道教亦于是起。如辨男女。別姓氏。制嫁娶是。至神農脫通神明。尤遂神道。唯教民粒食。教民療疾。人道亦興。觀其名曰神農。可知神道人道並進。至黃帝占夢。求得將相。玄女下教。戰勝蚩尤。神道漸盛。人道亦盛。如開國邑。立君主。教民蠶。教民宮室衣裳書契。歷法是。至顓頊世。神人雜揉。是爲神道最盛時代。延至唐虞。以欽天勸民爲二大事。神道人道。並行不悖。如舜類禋望備。爲宗神道之明徵。命官分治。是盡人道之明徵。至禹陳九疇。夏有連山。商有歸藏。文王後天象辭。周公爻辭。孔子文言。皆以神道設教。而神教太備。人教亦

備。如夏曰校。殷曰序。周曰庠。學則三代共。是其明徵。考唐以前。政教不分。有虞以後。政教漸判。唯教權皆操自上。至春秋。政自政。教自教。孔子爲儒教祖。老子爲道教祖。釋迦爲佛教祖。後復有基督爲耶教祖。謨罕默德爲回教祖。教義雖殊。本原則一。五教中。釋老耶回含神道爲多。孔教含人道爲多。五教分演。神教人教遂延至今。而人字始漸有權。神字始漸無權。考伏羲神農世。爲神道人道肇基時代。黃帝以後至高辛。爲神人雜揉時代。唐虞三代。爲明盡人道。幽宗神道時代。秦漢以下迄明清。爲假神欺人時代。如皇帝稱天子。天下稱神器。符籙讖緯。皆假神欺民。以遂其專制私圖。現世人爲發達。爲人進神退時代。但人字未得。神字已失。戕已戕人戕物戕地戕天之禍必不免。後世人爲全備。爲人道大長。神道大消時代。其時人道已得。神道可失。全已全人全物全地全天。人權可操勝算。神道可全不用。再後世世界大同。爲天道教大長。人道教大消時代。其時人多大聖大神。世皆太平無事。

只循天道自然。不計人道勉強。故人道教可廢。最後世人爲衰落。爲大道教大長。天道教大消時代。其時道歸不道。德歸不德。名歸無名。教亦歸無教云。

陸元問、何謂現世人字未得。神字已失。戕已戕人戕神戕地戕天之禍必不免。答、現世爲盡人初步。未可破除一切。概破除則禍滋甚。如新學求自由。上海黃埔江男女每年自水死者數百。其餘自戕更不計其數。如科學求戰術。主張鐵血。歐戰結果。戕人二千餘萬。如科學關神。破除宗教。人心失而天理亡。世界難免大劫。如科學鑿地。掘多則層段空。後會必多崩陷。如科學求吸日。日戰發則殺氣彌烈。愈增天地不仁。此皆戕已戕人戕神戕地戕天之禍之顯焉及必然者。其甚者。如赤禍橫行。先戕己性。次戕人物地天性。人類可滅。地球可空。雖爲六期獸類之續不惜。噫亦慎甚矣。

陸元問、天地間有無鬼神。答、天地有陰陽。故有鬼神。神爲天地陽

明之氣。鬼爲天地陰暗之氣。以生化言故曰陰陽。以知覺言故曰鬼神。人稟天地陰陽二氣而生化。卽挾鬼神二氣而生化。生者日生。而人不知所以生。化者日化。而人不知所以化。知其生化之根由者鬼神也。故人權未起。神權先爲鼓盪。人權幼稚。神權默爲主持。人權發達。神權漸歸退聽。人權全備。神權漸還太虛。人權統一。神權已歸太無。此神道盛衰之數。至其二氣之始終。則與天地陰陽二氣同無極也。

陸元問、鬼神二氣。既與天地陰陽二氣同無極。何故古盛而今衰。答、氣數有加減。故鬼神有盛衰。如無極之初。未有天地。先有一氣。天地之始。未有人物。先有陰陽。人物之始。未有人權。先有神權。至人權漸盛。神權漸衰。天地權亦漸退。一氣猶太祖也。天地、猶父母也。陰陽鬼神、猶自身也。人物、猶子孫也。子孫氣盛。則自身氣寄之。父母氣寄之。太祖氣寄之。而實一氣遺傳也。人權發達。神權漸退。神道寄于人道也。按有先天的陰陽。有後天的陰陽。先天陰陽。由一氣而



生天地。後天陰陽。由五行而生人物。此指後天陰陽言。

陸元問、鬼神不能爲人禍福。歷代聖人。何以皆崇神道教。答、聖人以神道設教。所以範圍天下後世之人心。人道未全時代。自當爾爾。

陸元問、範圍人心。自有人道天道大道。何必以神道。答、神道所以輔天道之不逮。大道之不及。人道未全備時期。道當如是。

陸元問、何謂神道輔天道之不逮。大道之不及。答、天道大生大化。地道廣生廣化。人道贊天地生生化化。但幼稚時期。人道未能贊天地生化。陰陽鬼神二氣。彌綸天地間。先贊天地生化。天地不能生化者。陰陽鬼神二氣能生化之。其妙用至化至神。其知覺至靈至應。孔子稱鬼神之德盛。歎其體物不遺。蓋知盈天地間者皆陰陽。卽盈天地間者皆鬼神。僅名曰陰陽。世人或忽。名曰鬼神。世人必惕。此聖人救世的苦心。非知天道所由然。及大道必然者。不能了了也。

陸元問、吾聞天地生化本自然。以日會內與地球言。人物化生。皆由太

陽熱力與地氣相感。倘無陽光。就無風雷雲雨之種種作用。自無人物生  
生化化機能。若奉多神教。猶不如奉太陽教爲得。究竟生生化化。太  
陽氣自然。天地氣自然。上帝主宰自然。然歟、否歟。答生生化化。  
上帝主宰自然。天地合分自然。日氣與地氣感召自然。但不有陰陽鬼神  
氣彌綸于兩間。上帝主宰生化不能。天氣合分生化不能。日氣與地氣上  
下生化不能。主宰者上帝。而生化者陰陽。合分者天氣。上下者日氣地  
氣。而化生者陰陽。陰陽爲化生媒介物。鬼神爲分宰化生媒介物。單言  
陰陽不言鬼神。則無知覺。單言鬼神不言陰陽。則無化生。陰陽化生機  
能至妙。無微不至。鬼神分宰化生機能至神。無物不周。知天道所由然  
者方可語。你不必問。

柒元問、現世有十教。而儒釋老耶回爲五大教。究其宗旨如何。答、  
五教皆以救世爲宗旨。惟世界有大宗教。世界之不祥。人道未全。不得  
不藉以維係人心。

柒元問、現世科學發明。民智漸開。人群信教的心。日漸減少。究竟宗教可信不可信。答、各教中有大道天道一神多神之別。今人爲初發達。不獨大道天道。一般人群未明。即人道亦未得。一概迷信。固爲愚民。力破信教。專求科學。必有浩劫。仍以盡人爲本位。信教爲賓位。至人爲全。人道備。天道漸近。大道亦不遠。彼時宗教信不信。任人自由。

賜元問、人權發達。神權衰落。天權何以亦漸退。答、盡人權故天權漸退。如古之祈雨祈晴。祈先農先蠶。祈無災無害。皆用禱祀之禮。事事奉虛權于天。此以子道事父天母地。天亦有時感其誠。而有求則應。如宋仁宗心香禱雨。甘霖下降是。幼稚時期。舍求父母無他法。現世人權發達。與農桑。有農學蠶學。欲製造。有造器新機。與水利。有水筒風車。防風防雨防雷防火防疫防痘一切。均有預防的器。且移山填海。鑿陸成河。穿山通道。而地漸無權。飛機凌空。火器吸日。蒸汽降雨。

而天漸無權。照此做去。造地造天終有期。天權漸退以此。

賜元問、人權能防風雨雷火疫癘等災。人權能防天地大中小劫否。答、天大劫各星相衝。星球破裂。中劫各星氣相犯。人物多滅。小劫太陽反常。人物大凶。地大劫體質化變。人物滅息。中劫火噴地陷。人物大凶。小劫地震水溢。人物多凶。天地小災如風雨雷火旱疫等。人力可防。而大中小劫的變不可防。人權能造地造天。但能代天地做化生的事。不能滅天地變劫的數。即至全備大同期。人權能成地成天盡地盡天。亦但能成能盡天地化生的道。不能變化天地大劫的數。天地大劫的數。大氣數爲之。人力無可如何也。

柒元問、大同期。何以不用人道教。而用天道教。答、大同期。外學臻化氣。人多離地面而居。內學講養性。人已底中和極致。盡地盡天尙可能。何有人道。人道教不合大同期。猶神道教不合全備期也。

柒元問、人道天道之區別。答、人道勉強。天道自然。人道有心。天

道無心。人道有息。天道不息。人道純用心力可造到。天道純用性力方能造到。此人道天道區別之大凡。

堯元問、天道大道之區別。答、天道有名。大道無名。天道有極。大道無極。天道可道。大道不道。此天道大道區別之大凡。

(十)交通進化 交通進化。有自徒行而木車木舟火車火輪電車電輪飛機輪氣行氣遊空行空遊之序。初民老死不相往來。烏知交通。迄人類漸繁。人爲漸起。此部與彼部通。始爲陸地交通。次爲江河交通。次爲沿海交通。次爲大洋交通。次爲大氣交通。終爲太空交通。蓋交通之氣。自近而遠。自陸而洋。自下而上。自次上而最上。木車木舟。藉物力風力。行于水陸。其行固慢。火車火輪。藉水火之力。行于大陸大洋。其行尚慢。電車電輪。藉電氣之力。行于大陸大洋。其行仍慢。蓋陸行爲地氣阻。水行爲水氣阻。未能運駛通靈。迄飛機之制起。行于空氣下層。其行漸速。迄飛行之機備。行于空氣中層。其行尤速。迄氣行氣遊之

會屈。行于空氣上層。其行愈速。迄空行空遊之期至。周遊太虛。交通神妙不可名言。居今日飛艇初步時代。而談空行空遊之術。前二十年人皆以荒唐。不知鄒衍談瀛。莊子談天。昔以爲不經。今始知不謬。且乘天地之正。而御六氣之便。以遊無窮。莊子所夙言也。現大洋及空氣下層交通。後當進爲空氣中層及上層交通。最後當空虛交通。與各星球通聲氣。現世一般人士皆能言之。不僅鄙人爲是說也。

應元問、人生空氣中。如魚生水中。魚離水必死。人離空氣亦然。空氣上層幾至無氣。太空之間純是真空。人何以能交通。答、修外學而化空氣爲氣食。修內學而化末氣歸本氣。化本氣歸元氣。自能進至空氣上層。而爲氣行氣遊。修外學而化太空中份子爲空食。復修內學而煉精化氣。煉氣化神。煉神化虛。自能周遊太虛。此學現世修未到。時會未至故也。

(十二)經濟進化 經濟進化。可分六期研究。一胚胎于人事肇基期。二產生

于人事分歧期。三膨脹于人事發達期。四圓滿于人事全備期。五收縮于人事大同期。六消滅于人事衰落期。何謂胚胎于人事肇基期。如太古野人時代。生食裸體穴居。不知經濟爲何物。即蠻民時代。火食并服巢居。亦不知經濟爲何物。至部民時代。石器進爲銅器。農蠶官室舟車交易等事。以漸而起。經濟于是胚胎。雖其時無經濟名稱。而萌芽已有其漸。何謂產生于人事分歧期。自銅器進爲鐵器。酋長進爲君主。泉刀之制漸起。唐虞有農虞之官。成周有司徒司空之職。雖不講富國富民。而富國富民自在。自時厥後。管子講官山府海法。希臘哲學家。也研究各種經濟問題。至漢則有食貨志。近世西班牙人。則擅金銀鑛富源。嗣是意大利捨哪。則有重商主義。法蘭西則有重農主義。而經濟生產。遂成爲一重要問題。何謂膨脹于人事發達期。自斯密亞丹著原富一書。人始知食貨爲專家之學。英國談經濟者接踵而起。世遂稱英國爲經濟之母。密氏爲經濟之父。繼密氏談經濟者有三。一曰馬日薩士。以人口增加

公例著名于世。一曰理嘉圖。以地租公例推重于世。一曰法儒隨那。一般學子稱爲歐洲大陸一經濟大家。西國經濟科學。始有根據。現世經濟問題。日事擴張。力圖實行。一以工商爭全國公有的利。如日本是。一以農業爭一國產生的利。及以工商爭全球勉然的利。如美利堅是。一以工商爭世界勉然的利。如英德法意是。舉凡滅人國滅人種滅人教滅人文言。皆以經濟爲先鋒。兵力爲後盾。故重大莫大于經濟。險莫險于經濟。我國經濟不講。國民精液。皆爲外人吸盡。噫殆矣。何謂圓滿于人事全備期。全備期、所爭者民衆公有的利。利爲民衆所共有。雖犧牲一國民衆。亦所不惜。故組織經濟法無所不周。爭經濟力無所不至。由人氣自中盈而大盈。陸居無地。進爲水居。和食勢窮。進爲化食。非均土地。公利權。勢將岌岌。不可一日終。何謂收縮于人事大同期。大同期、始爭天利自然。天利有爭。人利無爭。對上經濟雖展長。對下經濟已縮短。次爭天權優勝。天權有爭。人權無爭。對上經濟愈漲加。對下



經濟愈縮減。終爭天道消長。天道有爭。人道無爭。對上經濟更漲高。對下經濟幾縮無。故曰收縮于大同期。至人事衰落期。人皆修精還氣。修氣還神。修神還虛還無。有何經濟可言。故曰消滅于衰落期。

(十二)戰事進化 戰事進化。有由徒搏而石器戰兵器戰槍礮戰雜氣戰日氣戰終無戰之序。初民徒手與獸相搏。次造石刀石斧石箭與猛獸鬥。爲野人石器時代。次進爲銅器。兵戰之器始起。次進爲鐵器。兵戰之器漸備。中國伏羲之世。始有兵器。至黃帝戰蚩尤。力牧造兵器十八般。兵戰之器漸備。三代以後迄清初。皆兵器戰時代。現世戰事率用槍礮。而機關日備。槍礮戰全備以後。當有電氣毒氣雜氣戰出世。雜氣戰全備以後。當有日氣戰出世。日氣戰後。戰氣已完。地球上無他戰器戰術戰氣可研究。併人類惕于日戰劫氣之劇烈。人種幾無噍類。恐蹈六期獸類。因爭戰而迭底滅亡之覆轍。當修和氣學而底太中太和。漸歸無戰。爲太和太虛之世界。考地球上。大利莫日氣若。倘無日氣。就無風雲雨露雷電等

等之作用。自無人物生化機能。唯大害亦莫日氣若。倘造成最精吸日器。聚太陽萬方之熱。爲一焦點。火氣莫烈于是。今之火鏡。已能燃火熔鐵燦金。恐後當製造益精。進化至大合數。

應元問、現世非戰約。可弭戰禍否。答、種界未混。國界未破。世界未一。終有一大惡戰。現世非戰約。戰禍或可漸弭。而究不能終止。由科學進化未艾。故戰事進化未終。

應元問、科學何以能造成大戰禍。答、科學有造己造人造物造地造天的大能。亦有禍己禍人禍物禍地禍天的可能。如電化造極。可化成天地人物。亦可傷戕天地人物。力學造極。可轉移天地人物。亦可破壞天地人物。吸日化工。有奪造化的大能。卽有滅人物的大劫。科學愈演進。卽戰禍愈劇烈。唯今欲興種種大利以救濟人群。不得不藉爲製造機關。倘防其禍而不用。世界何由進化。人類烏能過此盈會大險難關。

明軒問、不有科學。人類何以不能過此盈會大險難關。答現世人數一

千六百兆。以數學廿五年加倍之例乘之。過數百年。人類當由中盈而大盈。地球人滿。無地可容。無生可討。人將相食。大飢荒疫癘肯災。必迭出不窮。賴有科學發明。天地不能生化者。科學能生化之。天地生化遲慢者。科學能迅速之。人類隨會演進。科學亦隨會演進。由造己而造人造物造地造天。所殺滅之數。仍不敵所生成之數。戰禍滔滔。科學爲之。亦時爲之。天地無可如何也。

明軒問、時既造成科學戰禍。有道可制止否。答、道在以科學制科學。實以王道制霸道。如各國科學優。我國科學尤優。槍礮戰可制勝。氣戰尤可制勝。必能戰而後能和。能止各國之戰禍。非戰約已得其大旨。唯當外修科學之霸道。內修德化之王道。斯可。

起豐問、世界迄何期方無戰爭。答、世界人類。始終在戰爭中。惟對物對人而爭。愈戰爭愈野蠻。對地對天而爭。愈戰爭愈文明。如初民人與物爭。物爲人害也。次則人與人爭。人爲人害也。次爭私利私權。君

權爲害也。次爭公利公權。對外有爭。對內少爭。但民權尙爲害也。次爭天利天權。對地對天有爭。對人無爭。已進文明化理。次爭天德天道。天道消長有爭。人道盛衰無爭。自是文明<sup>五</sup>進化。終爭大道自然。不德不道有爭。天道天德無爭。自是清淨世界。唯物爭時期。只用石器。戰氣未烈。人爭時期。漸用兵器。戰氣漸烈。君權時期。戰器漸備。戰術演進。戰氣尤烈。民權時期。始用槍礮。次用雜氣。終用日氣。戰器彌精。戰術彌神。戰氣彌烈。言公理公權。似爲文明初步。言戰器戰術。實爲野蠻極點。至爭天利天權。只有戰術無戰器。至爭天德天道。只有戰氣無戰術。至爭大道自然。只有戰數無戰氣。須知戰器戰術戰氣。迄火氣吸日氣戰而終。地球上無他器他術他氣可研究云。

善元問、天利天權之戰爭。何以但有戰術無戰器。答、天利天權之戰爭。但爭化化分。盡天地生化之利。只爭和氣化氣。勝天地生化之權。對地對天有爭。對人無爭。有何戰器。即有吸日戰器。亦如今弓矢廢物。

吾元問。天德天道之戰爭。何以但有戰氣無戰術。答。天德天道之戰爭。但爭天力之健行。天工之純一。人工人力不得而參。有何戰術。即有戰術。亦不得參。

吾元問。大道自然之戰爭。何以但有戰數無戰氣。答。大道自然之戰爭。只爭道歸不道。德歸不德。而歸大數無終。有何戰氣。卽有戰氣。亦不得參。

(七) 治統進化。治統進化。有由無統而部落而國邑而領陸領海領洋領氣領空之序。初民無統。次有群長則進爲部落。中國三皇巢燧羲農時代。皆部落治統也。自黃帝開疆闢土。遂由部落進爲國邑。唐虞三代。皆國邑治統也。秦漢以後。領土漸廣。唐之領土。南至非洲之東馬達加斯加島。則領陸兼領海領洋矣。元之領土。亞洲幾領全陸。歐洲又領東偏。復領南洋群島。則領陸領海領洋又進矣。自西班牙英倫繼起。五陸五洋領土殆徧。英倫國旗。日光無分不照。則領陸領海領洋更廣矣。但今所

謂領陸領海領洋。皆分領偏領。進至人爲全備時期。當有全領五陸五洋者出世。進至人爲大同時期。當有領氣者出世。進至人爲衰落時期。當有領空者出世。須知鐵路航路之設備。則洋陸往來便捷。飛機輕球之製備。則空氣下中層消息通靈。大地不日可達。治統全球不難矣。氣行氣遊之會屆。則空氣上層聲氣靈通。經營可到。治統大氣不難矣。空行空遊之會屆。則神明不測。化合太虛不難矣。唯領空世界。有其名無其實。由人爲漸歸衰落也。領氣世界。人種人爲一切已歸統一。文明化理已臻至極。治統已達地氣上升極點處。中庸配天之化。殆卽此歟。治統全球。戰禍不知幾經。政治不知幾演。方能破多少國界。進爲一統世界。如呂政滅六國而爲秦。忽必烈滅四十餘國而爲元。其流血何限。况後此科學戰禍。較兵戰爲尤烈。哀哀斯民。何不幸而生茲中盈及大盈會也。英元間、世界何期方能統一。答、人爲全備期當統一。彼時鐵路航路空路敷設備。氣戰日戰機關備。交通便捷。可統全球。戰器極點。可一

全球。噫、世界統一。世界之幸。人種先不幸也。

謝業問、現世有四十餘國。何國當先統一全球。答、欲統一全球。當先統一洲。以地理歷史物產氣候人種哲學論。中國當爲亞洲獨立國。以實業教育政治物產氣候地理論。美利堅可爲美洲獨立國。以科學政治教育人爲精進論。條頓民族。當建歐洲一獨立國。若非澳二洲。無獨立希望。當附屬於歐。至先統一全球。其在科學人爲精進者歟。

謝業問、現世國聯。保持均勢。欲圖吞併者。非戰約必合力排之。如協約國之摧德意志。欲滅各小國。建三洲獨立國。在此時期。或未易易。答、論將來不論現在。據實際言。非據時勢言。時勢未至。雖百英雄難造成。時機一至。有三二英雄自造就。時爲之。非人力所能強也。

謝業問、科學人爲精進。何以能先統一全球。答、現世爲人爲發達會。科學精進者必佔優勝。條頓民族。製造最精。進化最敏。戰事不日演。至電氣毒氣雜氣及日氣戰。交通不日由空氣下層進至中層。潛水進而穿

地。戰機一發。空中地下海底。防不勝防。地界大鹿。恐爲歐人先得。次則美利堅科學實業政治教育精進。當爲地界主人。次則中國人種有三不滅。哲理有五不滅。地理歷史物產氣候有悠久精神。若加以科學人爲精進。當有地界主人。

謝業問、現世滅人國。漸滅人種。文字語言哲學歷史亦歸泯滅。欲科學人爲精進。勢決不能。他國人種雖欲復興。恐無復興餘地。今云歐人當先統一。事或有然。至美次。中又次。恐未必然。答、天下事變。或在所防中。或出所防外。秦築長城以防胡。而亡秦偏在胡亥。秦焚書以愚民。而倡亂者卒在愚民。秦滅鉄以弱民。而揭竿者皆是弱民。唐防武氏。而禍唐卒在武氏。後周防檢點。而代周竟在檢點。胡元制世賤南人。而滅元仍在南人。滿清帝華右漢人。而覆滿竟在漢人。現世滅人國必滅人種。而黃黑棕紅四種幾盈千兆。烏能盡滅。滅盡則地球空。又爲六期獸類同亡之續。况統治一則精進惰。精進惰則玩忽生。玩忽生則事變



起。晉武帝勵精于吳存。而荒淫于吳亡。元世祖才雄于吞併。而術疏于統治。時機一至。世界英雄。東西並起。氣戰機關無効。航空消息不靈。主人代起。勢所必至。理有固然。

謝業問、何謂中國人種有三不滅。答、(一)不滅精。如我民血精。化合力敏。可速化各種是。(二)不滅氣。如我民本氣。化合力大。可全化他種是。(三)不滅數。如血統遺傳。可悠久無疆是。詳人生卷。

謝業問、何謂中國哲理有五不滅。答(一)人道不滅。如中庸道本諸身。徵諸庶民天地鬼神。上推三王。下推百世聖人。放而皆準是。(二)治道不滅。如堯舜禹湯文武。聖聖相傳。純行王道。後雖世變頻更。而禮運大同。春秋太平。常膾炙人口是。(三)教道不滅。如中庸始天終天。道根至聖。周易先天後天。推本大人是。(四)大道不滅。如止德不德。大道不道。無名天地之母。有名天地之始。三千道德。玄妙莫名是。(五)大數不滅。如一一起點。九九歸根。理數循環。不可思議是。

謝業問、何謂中國地理氣候歷史物產有悠久精神。答、中國地理。亞洲較各洲爲大。氣候較各國爲宜。物產較各國爲豐。歷史較各國爲有根據。人種既有三不滅。哲理復有五不滅。再加以科學人爲精進。終爲地界主人。

熊準問、全球合治以後。當有分治否。答、民族未混。民權未化。民生未全。民德未純。合治又分。分治又合。日演日進。日化。直至人生同氣。人性同一德。人爲同一道。由爭公利公權。而爭天利天權。再進而爭天德天道。人皆化氣的人。德皆中和的德。道皆太平的道。是真大同。方是真統一。今距期尙遠。

(古)政體進化。政體進化。有由無紀而羣長而君主而專制而立憲而共和而太和而太和之太和終無紀之序。初民野人時代。漫無統紀。次人類漸繁。人爭漸起。羣推有智力者爲之長。是爲酋長之始。中國盤古天地人皇無懷葛天巢燧羲農皆酋長政體也。及黃帝開國邑。君主政體于是昉。

唐虞三代。皆君主而兼共和立憲性質也。自始皇廢封建。置郡縣。行中央集權之制。專制政體于是昉。漢唐以下迄明清。皆君主專制政體也。英日等國爲立憲之先進。美法等國爲共和之領導。但今所謂立憲共和。皆半全政體。進至人爲全倫時期。當爲完全立憲共和。進至人爲大同時期。當由半全太和而進爲完全太和。進至人爲衰落時期。當爲太和之太和。而終無紀。何謂半全立憲。如某國對於屬地領土。法律教育賦稅政治一切。殊不平等是。何謂半全共和。如某國選舉時期。黨派互爭。上下社會。權利懸絕是。何謂完全立憲。如國無主奴。民無上下。一以法律爲權衡。稱物平施。一準天然秩序是。何謂完全共和。讓賢推德。黨界胥平。自勵自修。人人高尚。國平公利公權。民多公理公道是。何謂半全太和。全球萬國。合爲一總統。車同軌。書同文。行同倫。人有黃白種之分。而能同德。地有東西球之判。而能同氣。風俗語言性質。偶有彼此之不同。而有大同之通律。所謂半全太和。何謂完全太和。人種語

言文字風俗性質道德治化一切。歸于統一。飲食居住交通實業純爲化氣。千年無戰爭之聲。大地藹祥和之氣。所謂完全太和。中庸稱至聖聲名洋溢中國。施及蠻貊。舟車所至。人力所通。天之所覆。地之所載。日月所照。霜露所墜。凡有血氣者。莫不尊親。即此旨也。何謂太和之太和。人心化爲天心。天心純爲道心。道心歸于自然。與造化大數爲徒。而人無名氏。以三千界爲宇。而太虛周遊。所謂太和之太和。何謂終無紀。人爲返虛無。何人何種。人道歸寂寞。無臭無聲。所謂人爲無紀。無紀終氣。釋迦虛無寂滅之道也。太和之太和。老子清淨無爲之道也。完全太和。半全太和。孔子所謂太平世也。完全立憲共和。孔子所謂昇平世也。半全立憲共和及專制。皆孔子所謂據亂世也。居今日據亂世界。而企望太和。奢願殊屬難償。唯道有天同之道。化當有太平之化也。英元間、我國係共和初基。有何方法。由半全造到完全。答、照民字主義做去。民字做得圓滿。就共和完全。

英元問：照民字做到底。可造到太平否。答、可。須知堯舜揖讓爲民。湯武征誅爲民。孔孟周流爲民。虞書稱天聰明。自我民聰明。天明畏。自我民明威。周書稱天視自我民視。天聽自我民聽。孟子稱薦之于天。而天受。暴之于民而民受。可見民外無天。民字做得圓滿。天字亦到。禮運言大同。春秋言太平。世界無民外的大同。卽無民外的太平。民字做得全。卽太平字全。

應元問：我國內憂外患交乘。民國前途如何。答、有真正共和的人。方能做真正共和的事。若徒藉三民爲自便地步。民國前途。殊難樂觀。應元問：究竟我國宜行何種政體方能安定。答、政體無論爲民主。爲君主。須有一定法律秩序。方能安定。美利堅民主而治。日英君主而治。墨西哥民主多亂。蘇俄無主元亂。我國長江以北多好君主。以南多好民主。一般又好無主。法律秩序混亂。安定似未易易。直至民心厭亂。方思主以安定之。勢也。亦理也。

熙準問、現世各國以何國政體爲優。答、共和國以美利堅爲優。如非戰約酷愛和平。于人道字爲近。但仍屬半全政體。由黨界權利未平。民德未純也。

熙準問、何由造到黨界權利平。民德純。答、導民爭公利公權。  
(一)導民爭公理公法。(二)導民爭公善公能。(四)導民爭公德公道。久之黨界權利自平。民德自純。

熙準問、導民爭公利公權。公理公法。方法如何。答、爭一國公有利權。非公有不爭。爭世界公同法理。非公同不爭。

熙準問、公善公能公道公德的實際如何。答、如善與人同。不自有其善。能與衆共。不自有其能。道與民由。不自有其道。德與人同。不自有其德。堯禪舜。舜禪禹。五臣臣堯。復臣舜。又臣禹。湯五薦伊尹於桀。尹五就湯。五就桀。皆得此道。近世華盛頓亦得此道。

謝業問、何由造到公善公能公道公德的地步。答、以民字爲骨子。自

然造到。

謝業問、既造到公善公能公道公德的地步。世界已太平歟。答、已是完全昇平世界。若太平世界。須全球人種文言政教道德一切皆歸統一。公字進爲天字。人道入德不爭。而爭天德天道云。

謝業問、人道天道之爭。有何區別。答、人德人道爭盛衰。天德天道爭消長。爭盛衰有公心存。爭消長無公心存。伊尹就湯就桀。有公心存。孔子老安少懷。無公心存。

謝業問、伊尹是何等人才。孔子是何等人才。答、伊尹是創造昇平的人才。孔子是胚胎太平的人才。


謝業問、孔子既是胚胎太平的人才。何以不能身致太平。答、天生孔子爲儒家教祖。非爲一時造太平。乃爲後世胎太平。此意唯儀封人知之。餘人未末。

謝業問、何謂天生孔子。爲後世胎太平。答、禮運大同。春秋太平。

非孔子言。後世何由知。且至誠盡其性以盡人性。盡人性以盡物性。盡物性以贊化參天。非孔門傳授心法。我今何由識得盡已盡人盡物盡地盡天有五大人權。喚人從此做到底。終有盡地盡天一日。故此篇但述十四類進化的次序。下篇方發明五大人權。實教祖有以啓我。



人爲進化原理 卷一



## 人生進化原理卷二

人生進化。據地質胎生人類學考之。知由最下動物。而中等上等動物。以至而猿而類人猿而野人。證之化石。歷歷可辨。此事業爲世界所公認。向之神語創造。亞當夏娃之說。不攻自破。但元始生生植動物之元氣。與元始人類未生生之元氣。從何而來。尙須研究。或謂物質之初。混沌無定形。無微份子之結合。乃不調合之同一狀態也。由是凝結爲份子。爲星雲。爲太陽系。爲萬物。取一定之法則。均以調合而進于複雜之義。因此定義。而知宇宙之所以然。此即康德拉普拉士等所倡雲霧之說。此卽動植物元始生生之元氣。與人類未生生之元氣也。其說固然。究于天地人物進化原理。說尙渾淪。是當根據科學。并考中國形上學。而究其眞際也。

考人生進化之氣。其機械有四。一先天之先天。二先天。三後天。四後天之後天。自九九氣布進于太虛。人生先天之先天。卽涵于此氣。未有人類。生生之氣涵太虛。既有人類。生生之氣在人體。所謂先天之先天。至父母交媾後。氣

合爲太極一團。所謂先天。至懷胎母腹。太極動靜而生陰陽五行。及周身百體。所謂後天。至降生而本氣合終。末氣合始。所謂後天之後天。四機緘爲人生進化原理之大綱。

(一)先天之先天氣 據人類學說。謂地球進化。原因于太陽之熱力。植物之生命。不過因太陽之熱力。變化而出。動物人類之生命亦然。余亦謂凡日會內八大行星。二十二衛星。四百餘小遊星。及慧星流星隕星等。皆爲太陽所系屬。倘無太陽熱力。地球上無風雲雷雨之種種作用。即無人物生化機能。是太陽熱力。固爲日會內各氣星之系統。即爲物類人類先天之先天。此說當無疑義。

(二)先天氣 據胎生學。人之元始。肇于細胞。而細胞之元形質。實爲精子卵子所構成。故一驗卵子之構造。次驗成熟卵子與未成熟卵子之區別。次驗卵子成熟之現象。次驗精子之構造。次驗精子之發生。次驗精子運動之速力。次驗精子生活之時間。次驗受精之現象。次驗精子之多入。與受精之地位。其繪圖明瞭。論說周詳。人生先天氣。據胎生學研究。始有證據。

又考人生先天氣。爲父母交媾後。氣合爲太極元團是。此氣由天極元氣。地極大氣。絪縕結合而成。所謂稟天地中氣以成氣也。其氣由未始命的命。凝爲眞命的命。由眞命的命。凝爲眞息的息。由眞息的息。凝爲眞炁的炁。是爲先天眞炁。此考形上學而知其實理。

(二)後天氣 爲懷胎母腹。九九胎元是也。據胎生學。于受精之後。一驗胚葉之發生。次驗三胚葉之變化。次驗胎生初期之變化。次及頭部之變化。次及軀幹部之變化。次及後端之變化。次及胎生二期之變化。次及骨骼之系統。次及內臟之系統。次及血管之系統。次及神經系統。次及五官系統。又驗妊娠十月。胎兒發育之機。第一週未詳。第二週至第四週則以次加詳。二月三月至十月。其實驗尤詳。凡胎兒之身長及體重。隨月增加之數。可按表而知。此據胎生學而驗人生後天氣之明徵。

再據人類學雌性之細胞。受精以後。即起分裂。一裂爲二。二分爲四。四分爲八。八分爲十六。又云人類發達。第一星期爲變形蟲狀。第二期爲珊瑚蟲狀。

第三期驗不確實。第四期爲魚類狀。第五期爲蛙及蜚蟻類狀。第六期爲獸類狀。第七期爲現在人類狀。但人類胎兒。在本母體內生活。普通須滿九個月。自精子卵子發達至第七期。僅月餘之變化。後此八閱月。始行發達人類之構造。即腦髓之表面凸凹現矣。手足前端之指趾分矣。陰部之襞褶雄雌判矣。迨全體發育全竣。將離母體而出。此據人類學而得人生後天氣之實徵。

又考之水精子云。人之有生也。由無極之動靜。而生皇極之陰陽。由皇極之陰陽。而生太極之陰陽。由太極之陰陽。而生兩儀之老陰老陽。由兩儀之老陰老陽。而生四象之太陰太陽少陰少陽。由四象之太陰太陽少陰少陽。而生八卦之乾坤兌艮離坎震巽。此由無極聖道懷胎十月生生之序。

又云。人生之初。秉父母之元氣。而結一顆明珠。名曰無極。得父母之精血。結爲一塊渾團。名曰太極。天一生壬水。在上生左瞳人。在下而生膀胱。地二生丁火。在上生右眼角。在下而生心。天三生甲木。在上生左眼黑珠。在下而生胆。地四生辛金。在上生右眼白珠。在下而生肺。天五生戊土。在上生左眼皮。

在下而生胃。地六成癸水。在上生右眼瞳人。在下而生腎。天七成丙火。在上生左眼角。在下而生小腸。地八成乙木。在上生右眼黑珠。在下而生肝。天九成庚金。在上生左眼白珠。在下而生大腸。地十成己土。在上生右眼皮。在下而生脾。由此而五臟。而六腑。以至周身三百六十五骨節。八萬四千毫毛孔竅。莫不由河圖而生之。此考中國形上學而知人生先後天之實理。

按人類學言雌性細胞。一裂爲二。二裂爲四。四裂爲八。與易有太極。是生兩儀。兩儀生四象。四象生八卦之旨相合。水精子無極聖道及河圖生生之理。自是至言。

按後天胎元。胎兒以次發達。惟考人氣進化。以七七爲度。以合天氣九九爲準。人氣七七。卽天氣九九。人氣以七七爲九九也。故動吸生機以九爲準。合天氣之本也。進化以七爲度。適人氣之中也。倘動吸生機不合九數。進化不合七數。必爲異類生氣。胎生學自第一週至第四週。合人氣七數進化之度。人類學言七期。爲七七四十九日。合人氣七七適中之數。又言普通胎兒須滿九

個月。亦合人氣以七七爲九九數。至胎生學水精子言十月。實九九數之延長。其間有七月八月生者。有九月生者。有十一月十二月生者。而九月餘尤佔多數。言十月紀大數云爾。

後天九九會。共計有九月餘。合氣機關必如是。生人氣方完。若不足九九日數。生人氣必短促。惟必有九九合氣方可。有九九合氣者以氣完論。有九九日數。無九九合氣者。以氣未完論。至過十月期有六原因。一得天氣異者。二得地氣異者。三得人氣異者。四得物氣異者。五母有疾病者。六母體損傷者。

(四)後天之後天氣。爲人受天地人物四氣。而本氣合終。末氣合始是。自合氣而降生。氣稟四寧。則受氣全而全生全性。氣稟四變。則受氣虧而失氣失性。氣稟四異。則受氣大而全氣全數。氣稟四常。則受氣平而全受全歸。四氣代嬗。由息而盈而虛而消。少年爲息氣期。壯年爲盈氣期。中年爲虛氣期。老年爲消氣期。四氣有循序而代嬗者。有不循序而代嬗者。循序者。人生末氣進化之常。不循序者。人生末氣進化之變。故論四氣進化。須知四寧四變四異四

常。

何謂四寧。即天寧地寧人寧物寧是。人得四寧。氣體健全。年壽延長。爲元氣太和人物。

應元問、四寧之特徵。答、天氣寧。三光明。五氣順。各氣星安循軌之常。而辛界享太平之福。地氣寧。八風調。八雨順。地氣安上下合分之常。而地球享太平之福。人氣寧。生氣常生。王氣常王。合氣常合。三合五行氣。順大中小合之序。而人生享大全之年。物氣寧。生份子常生。王份子常王。合份子常合。五行末氣。各循又小合之序。而萬彙遂生成之性。

何謂四變。即天變地變人變物變是。氣得四變。本氣多虧。年壽多促。此變亂世。人生本氣所以少全。

何謂四異。即天異地異人異物異是。人得四異。或爲異人天人至人聖人神人真人佛人。從所得四氣大中小全偏爲差。

何謂四常。即天常地常人常物常是。人得四常。氣體多全。人壽多永。此小康



世。人民所以多壽。而凶災少至。

右列四機械。爲人生進化所由然原理。茲據息盈虛消四氣。進化所以然原理。分爲十二會列左。

(子)人生小息會 是會天氣混沌。人物生氣未分。由下等動物。進至中等及上等動物。物亦人。人亦物。無所謂氣全爲人。氣偏爲物。無所謂七七爲人生之氣。六六迄一一爲物生之氣。渾渾淪淪。爲人生朕兆時代。

(說明)小息會人生。人物氣所以未分者。由地球自固體進爲溫體期。其初熱度尙高。不能生物。次熱度畧高。初生下等植物。次生中等及上等植物。至人類生氣。始胚胎于下等動物中。次胚胎于中等及上等動物中。動物生氣進化。人類生氣亦隨之進化。爲天氣生人混沌之會。(化人動物另爲一種非他種動物皆能化人)

據地質人類胎生等學。皆紀地質太古第一大層。地球皆的火成石。火山極多。海水極熱。僅生小小海草。爲植物之鼻祖。復生小小畝蟲。爲動物之鼻祖。至

太古第一大層。海水之熱度漸減。空中之炭氣尙濃。則生猷殼之螺。綿猷之海星。無骨之泥鰍。至太古第三大層。則生有脊骨之大魚。爲後世人類之遠祖。至太古第四大層。則生有肺臟及四腳之怪魚。此皆證之化石。歷歷可辨。可爲是會人物氣未分之明徵。

(丑)人生中息會 是會人獸始分。氣清者生生爲人。氣濁者生生爲獸。氣得七七者生生爲人。氣得六六者生生爲獸。氣七七漸有合分加減之數。故人類生生。漸有全偏靈蠢之氣。皇古野人時代。卽其會也。

(說明)中息會人生。人獸所以漸分氣者。由物類生生已繁。動物類進化已極。夫氣極則變。變則通。通則久。故始分氣而人獸形漸別。次分氣而人獸形漸遠。又次分氣而人自人。獸自獸。遞蛻遞嬗。始生成爲完全之人形。史紀太古人類。獸首人身。由其時人形蛻嬗未全之故。

據胎生學紀近古第一層。先變成長尾猴子。至第三層。變成尋常猴子。次變成猩猩。次變成猴人。次變成野人。(猴與猩猩皆猿類。)又據人類學人類某代之

祖先。確屬於猿。迨逐漸進化。某時代六分爲猿。四分爲人。次人猿參半。到進  
于八分爲人。二分爲猿。終企于現代人類之全形。此據地質學動物進化之氣。  
及人類胎生七期變化。列表于左。

第一期 變形蟲狀

第二期 珊瑚蟲狀

第三期 不確實 人類學稱此期胎生驗不確。唯據動物化生進化次序考之。  
是期有畝壳之螺螄。綿畝之海星。無骨之泥螈。當按其狀  
而驗之。

第四期 魚類狀

第五期 蛙及蜚蜴狀

第六期 獸類狀

第七期 人類狀

右表七期。一期胎生爲變形蟲狀。知是期爲該蟲進化世界。氣數得一。二期

爲珊瑚蟲狀。知是期爲該蟲進化世界。氣數得二二。三期爲軟壳無骨類。知是期爲該類進化世界。氣數得三三。四期爲魚類狀。知是期爲魚類進化世界。氣數得四四。五期爲蛙及蜚蜴狀。知是期爲蛙及蜚蜴進化世界。氣數得五五。六期爲獸類狀。知是期爲獸類進化世界。氣數得六六。七期爲人類狀。知是期爲人類進化世界。氣數得七七。驗人類七期胎生。動物下中上等進化之階級。天地網<sub>綱</sub>結<sub>合</sub>之元氣。皆于七期而洩其機緘。據此當了然于地球物類進化之次第。尤足徵一一迄六六。爲物類生生之氣。七七爲人類生生之氣。七期以後。純爲人類進化氣。胎元七七。則全人七七氣。胎元八八。則全地八八氣。胎元九九。則全天九九氣。則謂胎生七期。胎元九九會。合作河圖觀可也。應元問、何謂人類氣數得七七。物類氣數得六六迄一一。答、七期爲化生人類會。人類化生。始于七數。終于七數。七七者。七又生七。人類化生循環不已之數。六期爲化生獸類會。獸類化生。始于六數。終于六數。六六者。六又生六。獸類化生循環不已之數。五期蛙及蜚蜴類之五五數。四期魚類之四四數。

三期軟壳無骨類之三三數。二期珊瑚類之二二數。一期變形蟲類之一一數。其氣數化生循環不已之機亦然。

應元問。動物進化。既由蟲類一一氣。進至人類七七氣。人類七七氣進化既極。當有何類繼人類而興。主管地界。完八八九九氣數。

答。人類稟天九九地八八八七七物六六六一一氣數而生。人類進化既極。當有大數上等人種。由天人至人進爲聖人神人及真人佛人。由人類稟天地人物氣數之全。窮變通久。道能會極歸極。人類進化以後。當無他類代興。主管地界。迄地質變爲冷體。無上人種。當與之歸極云。

吾元問。人類既由猿類而漸變漸化漸全。是人與猿本同氣。何得謂得氣清者生生爲人。得氣濁者生生爲猿。氣得七七者生生爲人。氣得六六者生生爲猿。答。始同而繼異。始則人猿混合。清濁不分。繼則人猿區別。清濁自異。清濁既異。則人七七合氣而生。猿六六合氣而生。其氣全偏靈蠢。終有天淵之別。此據人類學列人猿歧異之點如左。

(一)人類之頭面部。較腦蓋骨之部小。類人猿反是。

(二)人類之犬齒。較類人猿之犬齒小。

(三)人類之脊骨。適于直立。類人猿之脊骨。適于匍匐。

(四)人類之上肢。較下肢短。類人猿反是。

(五)人類足之拇指。無對於他趾之筋力。類人猿反是。

按類人猿有猩猩大猩猩黑猩猩長臂猿四種之別。一以體格上遂其發達者則為猿。一以智識上顯其發達者則為猿。觀人腦部大于面部。腦力智識之發達可見。

考人與猿之區別。固在于智識體格發達之差異。而智識體格發達之差異。在于腦力手力用與不用之差異。人知識體格所以日進日上。而達優等者。由于腦力手力愈用愈靈之故。猿知識所以不變。而仍為獸類者。由于腦力不用之故。此大所以稱為萬物之靈。猿所以終為僕屬之次。

又考人種日進日止。一由善用手力。二由善用腦力。三由善用心力。四由純

用性力。善用手力。外體機能日敏。故漸進爲普通人種。善用腦力。外體之內  
部機能日靈。故漸進爲優等人種。善用心力。內體之機能日純。故進爲最優人  
種。純用性力。內體之內部機械日合。故進爲太上人種。

謝業問：何謂善用手力爲普通人種。答：凡獸類所以不能執器者。由于無手  
力完全器官。猴猿類所以不能造器者。由于手之器官無完全機能。人類自猿  
人進爲野人時代。手之器官已備。故能造石器利用。次則手力漸進。故能造銅  
器利用。次則手力愈進。故能造鐵器利用。現世藝術日進日上。由手力日用日  
敏之故。手力日用日敏。由外體三合機能日發日全之故。三合機能大發達。所  
以成爲普通完全人格。

謝業問：何謂善用腦力爲優等人種。答：凡普通人所以不能自出機械。製造  
新器。自生智識。另開奇局者。由于習用手力。而不習用腦力。習用腦力。而不  
活用腦力之故。人類自生食進爲熟食。蒸發腦水火力。機械日啓。自熟食進爲  
和食。調和腦水火力。機能日靈。又自和食進爲化食。變化腦水火力。機關日

神。始之少用腦力者。次則多用腦力。次之多用腦力者。繼則純用腦力。繼之純用腦力者。今又活用腦力。腦力愈活。則智識愈新。智識愈新。斯神奇愈出。神奇愈出。故優等人格愈多。上優等人格愈多。實由外部之內部。腦力諸合機。漸發愈全之故。

謝業問、普通人能用腦力否。答、普通人亦能用腦力。但腦力用不全。故爲普通人種。如製一新器。創一新法。開一新局。須用完全腦力。方可收良善之效果。普通人但能做舊制。循前例。雖精而又精。純而又純。究不出前人成憲。所以終爲普通人種。

謝業問、何謂善用心力爲最優人種。答、凡優等人種。但能新其智識。而不能新其德行者。由其習用腦力之活動。而不習用心力之鍛鍊。有心世道者。知活用外體內部之腦智。可造成外部精神最新之世界。而不能造成內部精神最新之世界。半是思考手力腦力之究竟。知其最終之結果如何。不過能化精化氣化空。造臻氣食氣居氣遊氣戰之極點。但外學優至極。內修必劣至極。如現



世道德之喪。社會人心之壞。已隱基人種退化之根。恐蹈前代魚類蜚蠊類獸類滅亡之覆轍。欲救人類將來之敗局。非鍊用心力不可。鍊用心力。非實行人道不可。實行人道。非發明天道不可。其工夫先窮理。次操存。次修養。久之人心化爲天心。天心純爲道心。而最優等之人格以成。

謝業問：優等人能用心力否？答：優等次亦能用心力。但腦力用全。心力用不全。故僅爲優等人種。如求大道。須煉人心化爲天心。天心純爲道心。其工夫必純而又純。方能造到。如求治道。始須化人心爭公利公權。次須化人心爭天利天權。次須化人心爭天德天道。不知經幾許階級。費無量心力。方能造到昇平太平世界。優等人心力用不純。但能造成外部精神之文明。不能造成內部精神之文明。所以終爲優等人種。

謝業問：何謂純用性力爲太上人種？答：凡最優人種。能心天地人物之心。而不能盡天地人物之性者。由其以天地人物之心爲心。而心有物存。心有物存。即不能與天地人物相忘。而行所無事。太上人種。無心非性。無性非天。無

天非道。無道非自然。自然無名無形。無聲無臭。孔曰至誠。老曰玄玄。釋曰空空。空空玄玄至誠。同還一元而歸自然。

(寅)人生大息會。是會人生。氣本發達。外體軀幹雄偉。由其生王合三合氣本全。中體血脈周貫。由其四合氣本全。內體經絡臟腑完固。由其五行合分氣本全。考是會人身有長丈餘至一丈者。人壽有延千餘歲及七八百歲者。須知氣本初發達。機械未鑿。故氣體雄健也。

(說明)太古人類循自然。故人體偉。人壽永。上古人類尚自然。故體猶偉。壽猶永。中古人類稍失自然。故體漸小。壽漸殺。夏禹時防風氏尚有專車骨。商周間老彭尚有八百餘歲。知氣本發達。中古猶未艾也。

又考地史。古生之魚類。鱗厚如骨。全身若甲冑狀。非今之魚類所可比。中生代之蜚蜴類。其陸棲也。身長九丈有奇。其水棲也。體大于鯨。其飛空也。翅廣二丈有餘。非今之蜚蜴類所可比。近生代之獸類。長鼻類如象。只一頭骨。長六尺餘。食肉類如虎。僅一犬齒。修可尺半。有蹄類如鹿。兩角距度。竟達一丈

有奇。非今之獸類所可比。近蒙古考古家安德魯。竟見空前巨獸之骨。其體重。在十五噸至二十噸之間。迥非今之獸類所可比。物類如此。人類可知。

吾元問、物類人類。古今前後。氣體何以不同。答、人物氣體。隨天氣合分爲進化。初生物類不同于次生。次生物類不同于又次生。初生物機體簡。次生物機體繁。又次生尤繁。太古人類不同于上古。上古不同于中古。中古不同于下古。太古人體大。上古猶大。中古人體漸小。下古愈小。由天氣由息而盈而虛而消。有日趨日下之勢也。

賜元問、何謂是會氣本發達。答、野人時代。人類氣體雖具。而外中內三體諸合機織未全。嗣後人類日演日進。外體之頭部手部足部。生機日生。王機日王。合機日合。目化生而日見膨脹。外體之小循環及消化器。其大中小又小四合機織。日化生而日見周密。中部之神經系統及大循環器。其大中小又小四合機織。日化生而日見周貫。由野人而蠻民。而部民。其氣本發達猶是也。

(卯)人生小盈會。是會人生。氣本發達已完。氣未發達漸盛。所謂氣未發達

者。如別姓氏。定血統。別姓氏則化生日蕃。定血統則生生不息。大地日有增人。天氣日無增地。有心人實抱隱憂。中國東周以後。即其會也。

（說明）小盈會人生。氣末所以發達漸盛者。由族類分。姓氏別。血統明。同族同姓。同氏。同血之氣。不若異族異姓異氏異血之氣。生生爲尤蕃。故自元公同姓不婚之說通行後。人生日化日昌。由天氣喜異不喜同。故人氣化合。求異不求同。此人生小盈之一原因也。

柒元問。何謂別姓氏定血統爲氣末。答。外中內三體諸合機織爲氣本。精化血化形化色化爲氣末。別姓氏則氣異血異而化合力大。定血統則氣合精合而生化不窮。由天氣喜異不喜同。愈疎愈遠則化合力愈大愈敏也。

賜元問。氣本氣末發達之區別。答。氣本發達。人多務本。上古人氣渾樸是也。氣末發達。人多逐末。中世以後。人氣浮囂是也。

按初開化人種。民氣必淳樸。中國民氣。淳于上古。而駁于現世。北美合衆國民氣。淳于華盛頓時代。至今而稍殺。現亞美利加印度人種。其散處于亞美利

加及亞洲北部至北極荒島。民氣樸陋。猶我國之太古。是民氣淳駁。由其國開化之早遲。尤關其國之人事有否進退。人事進。人心雖駁。人業大興。尙可競爭生存。人事退。人心雖樸。民智殊劣。必如非澳奴民。故今爭勝之要點。一在善用腦力。二在善用手力。手力腦力窮。方濟以心力。故體智德三育。時有偏重。民體劣。注重體育。民智劣。注重智育。民德劣。注重德育。三育均劣。三者並重。二育偏劣。二者偏重。我民智育固劣。德育亦劣。湏求腦力之發達。并濟以心力云。

(辰) 人生中盈會 是會人生。氣未發達愈盛。由辨姓而辨族而辨種。有日辨日遠之氣。由本洲而他洲而全球。有日推日廣之氣。由驗氣而驗精驗血。有日驗日詳之氣。西藝之學。交通之氣日進化。人種生生之氣亦日進化。元明至現世迄稍後世。卽其會也。

(說明) 中盈會人生。氣未發達所以愈盛者。其原因有六。(一) 元世祖開闢。西及歐洲。黃種勢力漸大。(二) 科命布尋地。得西大陸。白種遷殖日蕃。(三) 歐

美各國。佔領非澳大洋。殖民政策日進。(四)華民僑遷。繁殖外埠。漢種遷徙漸廣。(五)鐵路航路。交通便利。各種氣血漸混。(六)科學發明。種辨異同。化合氣力漸大。有此六原因。人生所以較前尤進。現世界人數一千六百萬。稍後廿五年。數當加倍。此人生中盈所由來歟。

應魁問、中盈會人生。近因有六。其主義孰優孰劣。答、科氏尋新最優。列強佔領次優。種學發明又次優。元祖殖民最劣。僑遷殖民次劣。交通殖民優劣參半。何謂尋新最優。天地人物氣。喜新不喜舊。本地植物。不如移殖他地生機之暢。本洲動物。不若徙往他洲生孳之蕃。赫胥黎天演論動植生生之例。可爲明証。自科氏得西半球。白種遷殖日盛。現北美合衆國及加拿大。皆其民族。其爲最優可知。何謂佔領次優。弱肉強食。優勝劣敗。天演公例。天然淘汰。不若人爲淘汰之酷烈。自歐美民族。佔領非澳大洋。實行殖民政策。彼族勢力日盛。土人勢力日微。白種國旗。日光無分不照。其爲次優可知。何謂種學又次優。天地人物氣。好異不好同。同氣不生。異氣則生。觀之天地冷熱氣化生

可見。同氣不化。異氣則化。觀之陰陽電氣化合可見。同氣化小。異氣化大。觀之異姓異國合婚可見。人種科學果大發明。日究血精異同合分高下之點。稍後廿五傳。人生數當加倍。大陸殖民無地。大洋殖民日進。其爲又次優可知。何謂元祖最劣。領地雖廣。統治無策。全亞勢既土崩。歐東勢亦瓦解。迄土國既滅。僅有內外蒙古。其殖民本土。其爲最劣可知。何謂僑遷次劣。廿紀殖民政策。被動不如主動。天演不若人演。漢族殖民。始自柏米爾高原。次在黃河流域。次及長江流域。次及浙江閩江珠江滇江流域。現及南洋群島。勢雖日漸日廣。但始勝苗種。次勝異族。殖民力由主動。現商外洋。或工他洲。殖民力由被動。主動力合而大。被動力分而小。力合而大。人演優勝。勢自日演日盛。力分而小。人演劣敗。勢當日演日衰。四百兆天演漢種。恐不若人演白種進化之猛。其爲次劣可知。何謂交通優劣參半。全球交通。凡各都會各領土各商埠屬地租界。五色人種。皆可僑居通婚。但白人<sup>有</sup>國力保護。有治外法權。殖民可任自由。各種無國力保護。無治外法權。殖民不能自主。彼優此劣。

事實昭然。

熙準問、白種人演優勝。各種人演劣敗。將來結果如何。答、白種人演優勝。勢當佔領全球。先爲地界主人。各種人演劣敗。勢當歸其管轄。同爲印埃奴民。考現世人爲中盈會。人力有權。手力腦力最優者必佔優勝。白人善用手力。器械日製日備。善用腦力。智術日用日神。如化學一端。精進不已。不日演出氣遊氣戰世界。且其軍國主義。能合全國國民之手力腦力。造成統一全球之要素。況交通便利。卽爲統一之導綫。一旦航氣航空之製備。雜氣日氣之戰起。地界大鹿。當爲高才捷足者先得。優者既佔勝利。握世界之主權。劣者必歸管轄。同作白人奴隸。勢固然者。

熙準問、各種人演劣敗。同作白人奴隸。最終結果如何。答、紅棕黑三種。天演人演均劣。恐歸天然人爲淘汰。黃種天演優勝。人演漸進。當繼白種而興。終爲地界主人。何謂黃種天演優勝。考黃色人種。有不滅者三。(一)不滅精。我民血精。得東球北陸八雨爲合併機關。化合力最敏。一與他族合婚。不三世皆化



爲我族。故自來異族入居中國。旋皆化爲漢民。再考南洋羣島。華僑數百萬。與棕種合婚。一二世混化。與白種黑種合婚。三世以後亦混化。黃禍之說。西人殆不虛謠。是本精不滅者一。(一)不滅氣。我種本氣。得東球北陸八風氣爲流行機關。化合能力較他種爲大。故我種徙居外國者。合婚三代。不全化爲他種。他種來居我國者。合婚三世。皆化爲我種。由我種得地黃本氣。故化合力較強。他種得地末氣。故化合力稍弱。得地黃本氣而化力強。必與地球溫體三元之氣相始終。得末氣而化力弱。未必能與地球溫體化生之氣相始終。末氣難與本氣角悠久。氣本然者。是本氣不滅者二。(二)不滅數。全球人數一千六百萬。黃種幾佔三分之一。黃種所以佔多數者。固由氣精化合力敏力大。實由先哲所主之人道。合天地生生不息氣數。我民向重血統。守家族主義。未行軍國主義。考軍國主義可大。家族主義可久。何謂軍國主義可大。國人皆爲國民。父母不得私其子。故其國民可分可合。可小可大。欲統一全球。當行此主義。但父母不得私子。當有血統滅絕之數。至家族主義。家自爲家。國自爲

國。國雖易統。而家不易族。其國民可分不可合。可小不可大。可常不可變。唯血統主義。遺傳者遠。上溯受姓。下傳萬世。人人具此腦想。例重生男。（血統爲要。不必拘男子）一婦無子娶二婦。二婦無子可再娶。必求血系相傳。與地天無極。華民無事業。唯以生子爲事業。此進化遲滯之原因。亦與地配極之原因。視自種持自樂主義。而不願生子者大異。考氣數以生生化化爲道。天道大生大化。地道廣生廣化。人道贊天地生生化化。黃種求生生不息。合天地生化無疆之數。白種不願生生。失天地生化無疆之數。合天地數。必與天地同悠久。失天地數。未必與天地同悠久。歷千萬劫。黃種人數。當合各種人數爲一。圈是本數不滅者三。有此三不滅。我種終爲地界主人翁。但現世人爲發達。重人權而不重天權。彼日進化。我日退化。不爲日之蝦夷。必爲俄之猶太。彼生人爲。我守天然。不爲古之毛民。必爲今之苗種。三者不滅。可恃而不可恃。炮戰氣終。氣戰又將出世。人劫浩浩。非有絕大道力。難止氣戰之殺機。此大據亂世。所宜亟圖保國保種之良策者。

扶夏問、保國保種之良策如何。答、一鍊用手力。二鍊用腦力。三鍊用心力。手力窮濟以腦力。腦力窮濟以心力。三力迭用不窮。則體力日進。智力日優。德力日弘。可戰勝人演。即可戰勝天演。保國保種策不外是。

(己)人生大盈會。是會人生。氣未發達大全。尋新則無土不闢。佔領則無地不轄。交通則無洋不至。種學則無氣不明。大陸殖民無地。大洋殖民日進。人氣大盈。全球幾有人滿之患。

陸元問、人滿之患。答、當有大兵火飢荒青災之劫。

柒元問、人滿之劫。有何道可消弭。答、和氣化氣。爲消弭人滿大劫要道。詳人氣卷。

扶夏問、人生小中大盈。三會界限。何由劃清。答、小盈會人生小盛。中國東周後至唐宋。人數遞加。有史可考。是會中自爲中。西自爲西。有本洲異族化合生生之氣。無他洲異種化合生生之氣。可劃爲人生小盈會。中盈會。人生中盛。元世祖闢地。黃種始漸歐洲。科氏尋新。白種日蕃西陸。列強遙領。白

人日殖非澳大洋。華民僑遷。黃種日蕃外域。是會東西交通。人種混雜。五陸有五種人化合生生之氣。五洋尙少五種人化合生生之氣。可劃爲人生中盈會。大盈會。人生大盛。大陸殖民既徧。大洋殖民日昌。由樓居而水居。勢所必至。由領海而領洋。事有必然。五陸生生無可居之地。五洋生生尙有可寄之區。可劃爲人生大盈會。

(午)人生小虛會 是會人生。由大分而小合。各色人種。有小數化合之氣。氣本人種以次復生。氣末人種以次漸化。合氣合數之人以次漸加。分氣分數之人以漸漸減。爲人生小同世。

扶夏問、是會人生。由大分而小合。其理由安在。答、數分極必合。氣盈極必虛。大道本然。人生既滿全球。再講氣末生生之理。當無隙地可容。氣數則濟之以虛。氣末化生之劣種。不歸天演淘汰。必歸人演淘汰。或以食配居住。不合氣而日減。或以天地人劫。不能逃而日消。唯存氣末化生之最優人種。與氣本化生之優等人種。日競天利自然于地界。此人生小虛之理由也。

扶夏間、是會人生。不歸天演淘汰。必歸人演淘汰。無怪老子歎天地不仁。以萬物爲芻狗也。天地生之道。何如是歟。答、生生化化。乃大氣自然。盈虛消長。乃大道自然。生生既滿地界。生之無可生。化之有可化。如歲氣迄夏至而陽盈極。極則變而爲陰。夏至一陰生。卽入虛之漸。歲氣既然。天地人物氣何莫不然。如魚類盛于古生代。而衰于中生代。蜚蜴類盛于中生代。而衰于近生代。獸類盛于近生代。而衰于現世。人類盛于現世迄稍後世。當衰于再後世。盛極必衰。大道本然。唯人類之衰。乃生生之氣未減。而生生之氣本加。氣未減故人數少而人劫稀。氣本加故人氣合而人道全。減未數而加本數。乃天地酌盈劑虛之常。卽大道由未返本由本還元之漸。非不仁者。乃自然者。

按現世人生中盈。已開人爲淘汰之漸。如非澳之土人。日本之蝦夷。印埃大洋各國佔領之土種。查皆逐歲減少。再查太平洋小島。地隘人稠。生活困難。親老者每殺而食。今尙如是。過此千百年後。以人數學廿五年加倍之例乘之。數當百倍于今日。生活困難。亦當百倍于今日。人劫淘汰劇烈。尤當百倍于今

日。吁、徒講氣末精化卵化血化形化色化之學。而不講氣本教化習化性化數化之道。是增太上天地不仁之感者。戈同氏之善種良法。願與地界優等人種。共研究之。

(未) 人生中虛會 是會人生。有多數化合之氣。氣本生生人種以次愈加。氣末生生人種以次愈減。爲人生中同世。

賜元問、是會人劫如何。答、是會氣本人數愈加。全道者已佔多數。其上者爭天權優勝。次者爭天利自然。又次者爭地利勉強。對天對地有爭。對人無爭。故人劫淘汰。至是會而漸滅。唯有歲劫地劫之淘汰耳。

扶夏問、歲劫地劫之淘汰如何。答、歲劫。如地球北陸。冬至地氣不上。天氣不下。春分天氣地氣不分。夏至天氣不上。地氣不下。秋分天氣地氣不合。而四時行失序是。地劫。如南北寒道冷逾冰點。全不化生。南北溫道。幾冷至冰點。漸少化生。南北熱道。亦漸變冷。稍減化生。由天地氣進至人生虛氣會。太陽熱力漸減。地層凝結愈厚。水火既濟。化工漸失之故。欲度是劫。須外修

電化學。由化食化居化遊。進爲氣食氣居氣遊。中修和氣學。由爭公利公權。而爭天利天權。內修養氣學。由養生攝氣。進爲養氣養性。方能戰勝是劫。否則必爲歲劫地劫所淘汰。考人生始終在烈劫爭戰中。始戰勝物劫。次戰勝人劫。次戰勝歲劫。次戰勝地劫。終戰勝天劫。程度愈高。劫數愈烈。浩劫滔滔。乃時爲之。人生無可如何也。

(申)人生大虛會 是會人生。人種有全數化合之氣。氣本生生人種以次日全。氣未化生人種以次日滅。爲人生大同世。

漢江間、是會氣末人種何故日滅。答、人生至大同世。必外修化氣學。而爲氣食氣居氣行氣遊。能戰勝地氣大劫者。方能生存。必內修盡性學而合太中太和大全大倫。能爭天道消長者。方能生存。氣末人種。稟氣太薄。程度太低。但能爭人利人權。不能爭天利天權。天德天道。故至是而日滅。如現世之苗種。非洲之黑種。台灣之生番。美洲之赤狄。澳洲之土人。亞洲北部之印度蒙古人種。當此人演劇烈時代。不能爭人利人權。勢當漸次消滅。無足怪者。

達爾文氏。適者生存。又云。凡物皆歸自然淘汰。今之苗種黑種生番赤狄蝦夷及荒島土人。皆所謂不適。必歸自然淘汰無疑。大同世氣末人種以次日滅猶是耳。故當時現世中盈會。人種不善用手力腦力。力爭人利人權者。其種必歸淘汰。時當大盈會。人種不能由手力腦力而用心力。力爭公利公權者。其種必歸淘汰。時當小虛會。人種不善用腦力心力。力爭天利自然者。其種必歸淘汰。時當中虛會。人種不能由腦力而用心力。由心力而用性力。力爭天權優勝者。其種必歸淘汰。時當大虛會。人種不善用心力性力。力爭天道消長者。其種必歸淘汰。不知來。蓋觀往。古代物類。其盛如何。而今何其寥寥。亞洲苗種。上古如何。而今只存一兆。日本之蝦夷。雖新前如何。而今存者不過數千。是皆反達氏適者生存之例。故歸天然人爲淘汰耳。考之古既然。證之今亦然。推之將來何莫不然。周易時字之義。中庸時中之義。其至矣哉。

扶夏問、是會人生。由小同而中同而大同。其原因何在。答、一在交通便。自電車電輪進爲飛機飛船。交通已便。自飛機飛船進爲氣行氣遊。交通更便。



交通便。則人氣日親。人性日習。氣性以習慣而漸歸渾同。此一原因。二在合婚衆。自漢族與異族合婚。異族不能辨識。自黃種與各種合婚。各種當不復辨識。蓋合婚衆。則始而化氣。次而化精化血。次而化體化形化色。有漸歸混同之數。此二原因。三在治統大。自領陸而領洋。治統已大。自領洋而領氣。治統更大。治統大。則天下一家。六合一廬。舉夫覆地載日照霜墜凡有血氣之倫。莫不歸尊親之化。此三原因。四在氣食進。自和食進爲化食。人種程度已優。自化食進爲氣食。人種程度更優。蓋氣食進。能使人生外中內體諸合機械。皆全中大小合之本。而基最優種人氣生生之本。此四原因。五在養氣全。自養生攝氣之道盡。人氣已底大空。自養氣養性之道盡。人氣更歸大化。蓋養氣至。能使人生外中內體諸合本氣。皆底太中太和之天。而基太中太和人氣生生之天。此五原因。

扶夏間、虛會人生小中大合。人主有權。抑天主有權。答、人主有權。一人主交通權。二人主合婚權。三人主統治權。四人主氣食權。五人主養氣權。其餘

種種實權。皆由人力製造完全。而漸歸統一。故曰人主有權。至主張人主統一之氣數。天主又有權。蓋天能主人。人不能主天也。

(四)人生小消會。是會人生。由合本而漸歸合根。上等人則修精修氣。使本精還元精。本氣還元氣。中等人仍養氣養性。使氣性底太中太和。下等人仍養生攝氣。使本氣底大全大倫。爲太上人生初進世。

按是會人生。所以必修精修氣者。由天劫日進。非修本精化爲元精。修本氣化爲元氣。不能度天劫之淘汰者。地劫已劇。天劫又增。太上人戰勝天劫。當于是會始。

(戊)人生中消會。是會人生。漸歸太虛。修神修性者有人。修名修德者無人。爭氣爭數者有種。爭天爭地者無種。爲太上人生全備世。

按是會人生。所以必修神修性者。由大劫太劇。非修本神還元神。修本性還元性。不能度天氣大劫者。地劫淘汰。可由化氣之空食空居空行空遊而逃。天劫淘汰。須由煉神煉性之元神元性而度。太上人戰勝天劫。當于是會全。

扶夏問、是會人生。何故不爭天爭地。而爭氣爭數。答、由競爭極而歸根。考初民人與物爭。次則人與人爭。次爭私利私權。次爭公利公權。次爭天利天

權。次爭天德天道。終爭大氣大數。由中消會天德天道無可爭。故只爭大氣大數之無極也。

(亥)人生大消會 是會人生。漸歸太無。修性修命者有人。修德修行者無人。太虛太無者有氣。太實太有者無氣。爲無上人生歸極世。

右列三會。人生以次歸根。始修精修氣而人生少。次修神修性而人生尤少。終修性修命而人生無數。由地球溫體進化。數幾終極。氣將變爲冷體。而不生不化者。

扶夏間、地球冷體不生不化之理由。答、凡氣太熱太冷。均不能生物。熱度在寒暑表百二十三度以下。溫度在七十度以上。物氣始能化生。地球由固體進爲溫體。其初熱度尙高。不能生物。次畧高則漸化生。次溫度平則化生多。次溫度低則化生減。次溫度愈低。化生尤減。次低至冰點。則冷極不能化生。觀之南北冰洋及寒道可見。地球溫體既終一元之數。地心火力大減。地面變爲冷體。層段太厚。地氣不能上升。太陽熱力大退。天氣不能下降。失水火既濟之功。故不生不化云。

## 人性進化原理

先哲論性不一。有曰性善。有曰性惡。有曰性善惡混。細心考察。謂性善則性誠善。謂性惡則性亦惡。謂性善惡混。則性亦善惡混。不原其初。與考其根。并驗其實。及推其究竟。人性一案。終無由定讞。

原人之最初。體涵太虛。不生不滅。不合不分。老子謂之自然。水精子謂之無極。其實舍是亦無名可名。而稱先天之先天性者。至父母合氣後。太極之團體結。真元之主宰凝。渾然一元。先天性本然如是者。至懷胎母腹。太極動靜而生陰陽。以次生五行之八卦。一元之性已剖。陰陽之清濁。五行之純雜以分。先天變爲後天。在主宰命令者。亦無如之何也。至降生呱呱一聲。先天之元氣破。後天之本性合終。而末性合始。且由性而別爲心。由心而分爲情爲慾。赤子之心。尚不失本然之體。至分爲七情六慾。則失其本然。而性非我有。是爲後天之後天。後天之後天性。有上中下三等。有三三分爲九等。有九九八十等。以至不等。故孟子言性善。荀子言性惡。韓子言善惡混。不知孟言性

善。指太初之元性言。言性稱堯舜。以堯舜性合太極之元也。餘人言性。皆指後天性之有合分清濁加減純雜言。所謂陰陽既判。五行化生。已失太極之元也。

又考人性之根。根于天命。中庸云、天命之謂性。即原性之根也。性根既根于天命。即根于天數。天有生王合三數。命于人爲生王合三性。天有五行合分九九合數。命于人爲水火木金土主體本根會歸九九合性。天有大中小又小四合數。命于人爲天地人物四合性。三合數命全。普通人性全。九九合數又命全。優等人性全。四合數更命全。太上人性全。分之曰三合。曰九九合。曰四合。而總爲天命之性。

何謂天有生王合三數。命于人爲生王合三性。天必命生性人方能知。命王性人方能行。命合性人方能知行合一。倘命生性不命王性。如太空中之么生。大氣中之虫風。知等不知。命生王性。而王性耗。生爲下下動物。如微虫之蠢動。細蚊之飛鳴。行等不行。命生王合性。而三性耗。生爲下等動物。如蠶食葉

而吐絲。蜂採花而釀蜜。知行等不知行。命生王合性。若合性大弱。不能成胎。合性中弱。成胎或不成人。合性小弱。成人而五官不備。必三合性全。始成爲普通人性。所謂普通人性者。能視能聽能言能動能思知亦行。行亦知。如庸夫婦之知行合一。是也。

扶夏問、天命三合全爲普通人性。若五行數命不全。生性如何。答、三合數命全。普通人性全。倘五行數命不全。必爲下等人性。如欠水數。性不智。欠火數。性不禮。欠木金土數。性不仁不義不信。三合數全。雖能知能行。能知行合一。有智仁勇三德之端。但五行數欠。生性能知。適爲禽知獸知。王性能行。適爲禽行獸行。合性能知行合一。適爲禽能獸能。人性五行數全不全。實判人禽之界。

扶夏問、上古之人。無知無能。不道不德。倫爲獸倫。豈三合五行之數未全歟。何古今不同如是。答、上古天氣渾淪。命性雖具此數。但機緘未啓。故無知無能。不道不德。食爲生食。居爲穴居。倫爲獸倫。如五金埋于地下。鑛工不

興。人未之見。如寶玉藏于積中。鎖鑰未啓。人莫之知。又如初生胎兒。性之機能未啓。何知何能。至成童而機緘漸開。以次生知生能。道無以異。

何謂天有五行合分九九合數。命于人爲九九合性。天必命五行分數。人性方有五德。命上帝數。性方有主宰。命太極數。性方有團體。命大氣。性方有大本。命大數。性方有大根。命無極。性方有大。倘虧水數。性必不智。虧火數。性必不禮。虧木金土數。性必不仁不義不信。虧上帝太極太氣大數無極數。性必無主宰。團體大本大根大。無大。性不能會極歸極。無大根。性根薄弱。而浮躁淺露。無大本。性本搖動。而流盪蓬飄。無團體。性團易解。而散漫分離。無主宰。性眞無主。而游移罔據。或三合命全。九九數命偏。生性必爲禽獸。九九數雜。生性必爲凶人。九九數耗。生性必爲愚人。上帝以上合數得。以下分數失。主體本根具而五德虧。五行分數得而合數失。五德具而主體本根虧。必九九數命全。始成爲優等人性。所謂優等人性者。性之上合下分數無欠。性之主一上下合分數亦無缺也。

何謂天有四合數。命于人爲四合性。天必命二迄六六又小合數。人方知物有紀始紀終。年始年終。月始月終。日始日終。迄辰刻分秒始終之性。而盡物全偏生化之性。天必命七小合數。方知人有體用本末順逆常變純雜之性。由盡自性而盡人性。天必命六中合數。方知地有體用本末順逆常變之性。而求盡地廣生廣化之性。天必命九大合數。方知天有體用本末順逆常變之性。而求盡天大生大化之性。若僅命三合數全。爲普通人性。可爲己爲人爲物。而不能全己全人全物。僅命九九合數全。爲優等人性。可爲己爲人爲物爲地爲天。而不能盡己盡人盡物盡地盡天。必三合九九合數命大全。四合數又命大全。內可成己。外可成人。小可成物。中可成地。大可成天。終可配帝配極。爲太上人性。謝業問、孔子云、性相近。習相遠。又云上智下愚不移。是性有上中下三等。又云中人以上。可以語上。中人以下。不可以語上。是性可分爲九等。今云性有三合。有九九合。有四合。有何實據。答、三等九等。以性上中下之品第言。三合九九合四合。以性外中內之機能言。中庸言夫婦知行。王陽明言



知行合一。卽全三合性普通人之實例。虞書言九德。洪範言五行及會極歸極。卽全九九合性優等人之實例。中庸言至誠盡性盡人盡物贊化參天。孟子言萬物皆備于我。先儒言爲天地立心。爲萬民立命。卽全四合性太上人之實例。天命性唯全此數。故人類進化。能造已造人造物造地造天。否則猶之動物性。飛者終飛。走者終走。游行終游行。安能演進而與天地立極。殆驗後天之後天。人道無所不盡。故知先天之先天。天數無所不全。如金唯全金之性。故能鍊成精金。銅鐵則不能。如玉唯全玉之性。故能製成美玉。岩石則不能。人唯全人之性。故能鍊成至人。禽獸則不能。明此道理。方可言性。

謝業問、人性三合九九合四合。毋亦擬議想像之詞。天命性未必實有數。

答、有是機能。方能有是作用。如木果本一仁。由萌芽而長大。外中內三體具備。大中小合分吸抵力。無一不全。知果仁之中。必有各種機械在。如磨米祇一磨。由淨米而碎米而細糠粗壳。從各機而出。知火礱之製。必有各種機關在。人性本一性。而衆理具。萬物備。萬能全。知命性之初。必有種種各機械

在。有是因方有是果。倘無種種各機能。而能幹出種種無窮事業者。決無是理。

謝業問、三合數全。亦有九九合數在中。何以生性但爲普通人。答、三合得大數。九九合只得小數。故生性爲普通人。如水數必大合。智性方優。火數必大合。禮性方優。木金土數必大合。仁義信性方優。上帝太極大氣大數必大合。主體本根方優。若五行只得小數。五分性雖具有五德一端。五合性雖具主體本根一緘。而智同叢測之智。仁爲婦人之仁。禮爲非禮之禮。義爲非義之義。信爲非信之信。主體本根。爲微弱之主體本根。與不仁不智無禮無義無信無主體本根者。相去無幾。

謝業問、三合九九合數全。亦有四合數在中。何以生性但爲優等人。答、三合九九合得大數。四合僅得小數。故生性但爲優等人。如天地人物。各有大中小數。必得天大數。生性方能知天盡天。得地大數。生性方能知地盡地。得人物大數。生性方能知人盡人。知物盡物。若四合止得小數。知地天不至。安能

盡地天。知人物不至。安能盡人物。九九合數雖大全。智性優。但知人道必然。禮性優。但履人道必然。仁義信性優。但行守人道必然。主宰團體大本大根優。但主持鞏固人道必然。有爲己爲人爲物爲地爲天之能。而欠盡己盡人盡物盡地盡天之量。所以僅爲優等人性。

凡性數根能。爲天所賦畀者謂之命性。得于天地人者謂之稟性。得于父母者謂之受性。得父數而生生不息者謂之生性。得母數而孕育無疆者謂之育性。循其自然。行所當然。及所以然者。謂之率性。葆其固有。完其本體者。謂之養性。修其後天。返其先天者。謂之煉性。全其三合。并全其九九合四合者。謂之盡性。

(一) 命性 命性有三。(甲)常數之命。天有生王合三份子。彌漫于太虛。生份子常生。王份子常王。合份子常合。分爲太空傳光傳熱傳電之妙用。合爲大氣生人生物之機能。五行三份子。既合爲生人生物之機能。合而全者。生生爲人性數。合而偏者。生生爲物性數。合而全者。又有大中小全數。合數小全。生性爲

下下。中全生性爲下中。大全生性爲下上。此天命二合常數生性爲人之例。

(乙)優數之命。天有九九合數。亦併三合份子彌漫于太虛。有五行份子之分數。有五行份子之合數。分數爲水火木金土。合數爲上帝太極大氣大數無極。此九九合數之三合份子。分之亦爲傳光傳熱傳電之妙用。合之亦爲生人生物之機能。合而全者生性爲中人。合而偏者生性爲禽獸。合而全者。又有小中大全數。合數小全。生性爲中下。中全生性爲中中。大全生性爲中上。合而小中大全者。又有五行加減數。如水數加合。智性優。火數加合。禮性優。木金土數加合。仁義信性優。五行合數加合。主體本根會歸性優。此天命九九合優數生性爲人之例。

(丙)異數之命。天有大中小又小四合數。亦併五行三合份子。彌漫于太虛。大九九爲天性數。中九九爲地性數。小九九爲人性數。又小九九爲物性數。分之天數自天數。地數自地數。人數自人數。物數自物數。天數還天爲太清。地數還地爲太寧。人數還人爲太中。物數還物爲太偏。合之四數不加不減爲太中。不剛不柔爲太和。不生不滅爲太真。不合不分爲太一。合爲

太真太一。生性爲太上人。或真人佛人。合爲太中太和。大全者生性爲上聖。中全者爲中聖。小全者爲下聖。合而小偏者生性豪傑。或大隱異人。中偏者爲異端。大偏者爲梟雄。此天命四合異數生性爲人之例。異數曠世間世一命。優數命無常。隨氣數之常變爲命。常數無○無↓無小無穢無秒無分不命。卽無秒無分不生性。是之謂命性。

熙準問、三合之常數。天何以無○無↓無小無穢無秒無分不命性。答、生生化化。乃天氣自然。天氣不生不化。必地氣大變。氣合爲一。人物生化氣停。或溫體變爲冷體。人物生化氣滅。若屬地球溫體元會內。天氣生生不息。亦變化不息。化生無始氣數。無○無↓不化生于無極大○中。五行生王合之根數。無小無穢不生王合于太虛中。五行生王合之本數。無秒無分不生王合于大氣中。卽無分無刻不生王合于人體與胎元中。此天氣生生化化之至能。卽天命性不生不滅不加不減生生滅滅加加減減。體用本末常變之公例也。

熙準問、九九合之優數。天何以命性無常。必隨氣數之常變爲命。答、氣數

有常變。故命性有常變。氣數常。太虛五行生王合根數。多清者純者。合爲大氣五行生人三合數。合爲人體生性之本。與胎元迄誕期。多清者純者。正惟合爲清純者多。常世生人。氣性所以多優。而中和者佔多數。氣數變。太虛五行生王合之根數。多濁者雜者。合爲大氣五行三合數。合爲人體生性之本。與胎元迄誕期。多濁者雜者。正唯濁雜者多。變世生人。所以氣性多劣。而偏頗者佔多數。

熙準問、氣數何以有常變。氣數之常變。伊誰主之。 答、氣數之常變。本于氣數合分分合之天然。常也數主之。變也數主之。合分有定數之常。合分無定數之變。合分有定而無定。數之常而變。合分無定而有定。數之變而常。故曰常也數主之。變也數主之。天命性一本氣數合分分合之天然。上帝爲天主宰而命性。一本氣數合分分合之天然。上帝順數爲主宰。不能逆數爲主宰。天氣順數爲命令。不能逆數爲命令。即氣數亦順天然爲合分分合。不能逆天然爲合分分合。常也乃氣數不得不常。變也乃氣數不得不變。歸命性于天。而天乃

順氣數爲命也。歸命性于帝。而帝乃順氣數爲主爲命也。歸命性于氣數。而氣數乃天然合分分合也。誰爲主之。天然也。

鯀準問、四合之異數。天何以曠世間世方一命性。答、天地人物四合數。大合爲太真太一。生性爲太上人。必氣數必開文明大化于大地。方合爲火精紫氣。此氣曠世一命。四合數大合爲太中太和。生性爲上聖。必氣數欲開文明大化于萬世。方合爲水精瑞氣。此氣曠世一命。四合數中合爲太中太和。生性爲中聖。必氣數欲開天地人物道于世界。方合爲五行瑞氣。此氣間世一命。至四合數大合而小中大偏者。氣數欲治。必合數小偏而生豪傑。爲世局靖糾紛。氣數欲亂。必合數大偏而生英雄。爲地球開創局。氣數欲大分。必氣數中偏而生異人。開左右偏歧之路。氣數欲返本歸根。必合數太一而生真人佛人。導後會修真之綫。所謂曠世間世一命者如此。

(二)稟性 由太虛生性之根。合爲大氣生性之本。合爲人體生性之先天。迄胎元誕期。所謂稟性。謂人性稟自天地人也。稟性必天寧地寧人寧物寧。是謂

稟性之得。倘逢四變。是謂稟性之失。

吾元問、命性稟性之關鍵。答、命性命自天。天爲主。稟性稟自天地人。天地主其半。人主其半。此天地人會合之交。所謂稟天地人中數以成性也。

(三)受性 受性當與受氣合看。由父體生氣生性之本。合爲父母合氣合數之先天。合爲胎元迄誕期。所謂受性。謂人性受自父母也。受性須父性平。人道全。先天之先天合機始完。合氣會。須父母氣寧。人事平。合機始固。胚胎期。湏母性和。胎教全。胎養宜。誕生期。湏母體安。化育機始備。是謂受性之得。倫父性戾。人道虧。合氣會。父母氣迤。胚胎期。胎教失。胎養虧。誕生期。母氣變。是謂受性之失。

吾元問、稟性受性之區別。答、稟性稟自天地父母。天地主其半。父母主其半。此天地人會合之交。亦自天而人合分之交。受性受自父自母。父數受其半。母數受其半。此生育氣數會合之交。亦生育數合分之交。

陸元問、舜父瞽瞍。禹父伯鯨。父性戾。人道失。何以生性爲聖子。答、此氣



數化變。欲表舜禹之大孝。舜不遇瞽瞍。側陋無由揚。禹不遇伯鯀。幹蠱無由見。故家有奇孝。家之不祥。國有大忠。國之不祥。世有大聖。世之不祥。天下有大宗教。天下之不祥。無洪水之亂。不有堯舜禹。無桀紂之亂。不有龍逢湯。尹文武旦望。無春秋戰國之亂。不有孔孟。無天下久無道。不有五大宗教。此天巧于安排。非人所能思議。

梁元問、氣數變。受性既有得。何謂受性有得失。答、氣數常。受性得者什之九。氣數變。受性得者什之一。受性言常不言變。自來大孝子。皆遇惡父母。大忠臣皆遇惡君主。大聖人皆遇大亂世。大宗教皆遇天下久無道。但古今大忠孝。大聖人。大宗教。曾有幾人。變數受性雖得。亦萬中之一耳。

(四)生性 生性當與生氣合看。先天父氣精虫之數根。有生生不息機能。每辰約動九九分。動卽氣精虫之生機。父之氣精虫。其諸合機織必全合不分。是謂受性之得。倘父不知養精養氣養性。其數根大合而小分。是謂受性之失。

(五)育性 育性當與育氣合看。母之卵珠血乳等料。有育育胎兒不息氣機。

母于九九胎元內。須氣性和。胎教全。胎養宜。化氣化性之根本。化精化血之資料。足供胎兒育氣育性之用。是謂育性之得。倘母胎元內。氣性戾。胎養胎教虧。身體傷。疾病多。化氣化性之根本。化血化乳之資料。不足胎兒育氣育性之用。是謂育性之失。

(六)率性 率性者。循其自然。行所當然所必然。及所由然所以然之謂。

何謂循其自然。如禽性自飛。獸性自走。魚性自游。蠶性自吐絲。蜂性自釀蜜。犬性自守夜。雞性自司晨。貓性自捕鼠。牛性自任重。馬性自致遠。人性自能知行。與知行合一。如飲食。自能由生食而進爲熟食。熟食進爲和食。和食進爲化食。禽獸則不能。如居住。自能由穴居而進爲巢居。巢居進爲宇居。宇居進爲樓居。樓居進爲水居。猴類則不能。如倫理。自能由獸倫而進爲人倫。人倫進爲倫理。倫理進爲倫類。猿類亦不能。此飲食居住倫理進化之序。雖曰人力。亦人類得天然性而以次進化。他種動物類能之乎。故孟子斥告子云。犬之性猶牛之性。牛之性猶人之性歟。須知人性自人性。本有自然之根在也。此

率性而循其自然之例。

何謂行所當然。如實業政治教化諸大端。古今中外。各有不同。而行所當然則同。如上古實業爲漁獵畜牧。政治爲無政無治。教化爲無教無化。交通爲不相往來。非古民安于渾噩。由其時人事未起。當然如是。中世實業爲耕稼。政治爲君主專制。教化爲孔釋老耶回。交通爲木車木舟。非後人好事紛更。由其時人事分歧。當然如是。現世實業爲農工商。政治爲立憲共和。教化爲科學。及宗教。交通爲汽車飛機。由是時人事發達。當然如是。至西國大開化之民。則化食樓居。中國半開化之民。則和食宇居。山番未開化之民。尙生食穴居。由其地其人<sup>有</sup>文野不同。其行當然不同。此因時因地因人率性而行所當然之例。

何謂行所必然。如世界優等人種。人治人教未興。必爲力興。人害人亂未平。必爲力平。人工人業未建。必爲力建。天理地理未明。必求其明。故由未開化進爲半開化。由半開化進爲大開化。此半開大開之功能。亦古今中外優種。率

其明強本性而開之。本非刑驅勢逼也。此率性而行其必然之例。

何謂行所由然。如伏羲畫八卦。大舜齊七政而天道開。神農肇稼穡。神禹平水土而地道開。黃帝開國邑。堯舜行共和而人道開。炎帝制本章。禹貢備百物而物道開。此開天地人物之由。雖曰人力。亦哲人率其性自然之先覺而開之。本非矯揉造作也。此率性而行所由然之例。

何謂行所以然。如孔主入世。道以忠恕爲本。盡其道則配地配天。至其極則無聲無臭。是孔能會極歸極。釋主出世。道以慈悲爲本。宏其願則普度一切。歸于寂則空之又空。是釋能會極歸極。老生出世不出。入世不入。道以感應爲本。語其化則至爲無爲。極其妙。則立之又立。是老能會極歸極。究其所以會歸之故。亦三聖率性自然而會歸。本來不生不滅不加不減也。此率性而行所以然之例。

(七) 養性 養性者。葆其固有、完其本體之謂。

何謂葆其固有。如能知能行。與知行合一。本我三合性所固有。智禮仁義信五

德。主體本根會歸。本我九九合性所固有。大者合天。中者合地。小者合人。又小者合物。本我四合性所固有。自降生後。本性分爲末性。又由末性而別爲心。由心而分爲七情六慾。則失其固然。而性非我有。葆之方法。在寡欲。在清心。心清則虛。虛則靈。靈則明。明則諸合性本。可葆其天。

何謂完其本體。如性太極之體。本至真至一。真元之宰。本至神至靈。自天命性後。由先天元性。降爲後天本性。由後天本性。降爲後天之後天末性。則失其本體。而性非其元。完之方法。在返本。在還原。還原則人性合乎天性。天性合乎元性。元性合。則真一之體。神靈之宰。可完其真。

(八)煉性 煉性者。煉末性而復本性。煉本性而還元性。煉元性而歸自然。其始功。一煉心清淨。使雜念浮念全消。二煉心虛無。使空空洞洞無障。心清淨。則定靜以聚氣。本氣可聚。心虛無。則默默以凝神。本神可凝。再煉本氣化爲元氣。煉本神化爲元神。則太極之體可合。更煉神化虛。煉虛化無。而歸元妙之自然。

(九)盡性。盡性者。一盡三合性能。二盡九九合性能。三盡四合性能之謂。何謂盡三合性能。如生性本能知。王性本能行。合性本能知行合一。惟其誠有未至。故其能有未全。至誠自養性煉性後。以造化之知爲知。而知無所憾。以造化之行爲行。而行無所憾。以造化之知行合一爲合一。而合一無所憾。盡三合性之至能者。其後會多數至人乎。

何謂盡九九合性能。如水火木金土五分性。本完智禮仁義信五德。上帝太極大氣大數無極五合性。本完主體本根會歸。唯其誠有未至。故其能有未全。至誠自養性煉性後。所謂人法地、地法天、天法道、道法自然者。已造其極。性之五德。自合地之五氣。天之五數。而與天地同流。性之元神元體。自合上帝之元神。太極之元體。而會歸有極。性之大本大根大○。自合大氣大數無極之本之根之○。而先天弗違。後天奉時。盡九九合性之至能者。其後會多數聖人乎。何謂盡四合性能。如大合性自能全天。中合性自能全地。小合性自能全人。又小合自能全物。唯其誠有未至。故其能有未全。至誠自養性煉性後。所謂盡其

性以盡人性。盡人性以盡物性。盡物性以盡地性。盡地性以盡天性者。已造其極。天性之大生大化。自能以和氣化氣之道生之化之。使天之大生大化無遺憾。地性之廣生廣化。自能以和氣化氣之道生之化之。使地之廣生廣化無遺憾。人稟天地中數以生化。自能以太中太和之道生之化之。使人中和之天無遺憾。物性稟天地偏數以生化。自能以化化分之道生之化之。使物之紀生紀化。年年化、月月化、日生日化、及辰刻分秒生化無遺憾。盡四合性之全能者。其後會多數神人乎。

右列命性及盡性九者。有天人之分。命性屬天。稟性屬天又屬人。受性生性育性及盡性均屬人。屬天天爲主。屬天又屬人。天人共主。屬人人爲主。天主有常變優劣異常。天主之。人不能干預。天人共主有常變優劣異常。天主之。人輔之。人力可轉移。人主無常變優劣異常。人主之。人輔之。常也優。變也亦優。人道有權故也。

何謂人道有權。人道有本然必然所由然所以然原理。(一)盡本然人道。務使

三合性。能知本然之知。能行本然之行。能使本然之知行合一。務使五行分性。能盡五德之本然。道之本然既盡。製造中等人性。當佔多數。此盡本然人道。造本然人性之例。(二)盡必然人道。必使三合性之知行。與知行合一。皆有一定準則。必使九九合性之五德。與主體本根而會歸厥極。必使四合性。皆盡其爲己爲人爲物爲地爲天之能。三合性有準。製造人種外性必無虧。九合性會極。製造人種內性必無虧。四合性能盡。製造人種中性必無虧。三者皆無虧。製造優等人性。當佔多數。此盡必然人道。造必然人性之例。(三)盡所由然人道。在踐外體三合形。使外氣常充。復盡外主三合性。使外性常合。在踐內體九九合形。使五行分氣。化生不息。五行合氣。主宰本根會歸。在盡內主九九合性。使五行分性。五德相濟。五行合性。主體本根會歸。在踐中體四合形。使大中小又小之生化。大者合天。中者合地。小者合人。又小者合物。復盡中主四合性。使大合性知天至而行天盡。中合性知地至而行地盡。小合又小合性。知人物至而行人物盡。踐形盡性既無一不至。製造上等人性。當佔



多數。此盡所由然人道。造所由然人性之例。(四)盡所以然人道。在修食還精。使本精化爲元精。修精還氣。使本氣化爲元氣。修氣還神。使本神化爲元神。且修神還虛。修虛還無。而歸于大○。能如是。製造太上人性當佔多數。

右列製造人性法。達爾文之從弟戈同氏。昔曾研究。其法分先天後天二種。先天卽直接受之于親。與生俱來之本性是。後天卽因外界諸境之感化。所得之習慣性是。二者之力量。孰爲優劣。戈氏就雙生之胎兒。曾有研究。人類之雙生胎兒。凡有三類。曰個別雙生。曰混同雙生。前者兄弟呈分化之狀態。同時在親體內。受同等之教育。發生之餘。或同性單行。而產兩男或兩女。異性並出。而產一男一女。是以產出之子。弟兄貌相似者有之。姊妹迥相遠者有之。後者本種本應單生。次相分而成二子。發生間盡屬同性單行。異性並出。未之一見。故其產出之兒。顏貌皮膚體格及精神性質一一相符。毫無彼此之分。雖以離妻之明。亦難區別。戈同氏集若干雙生。爲研究後天材料。反覆試驗之餘。混同雙生。不論置之如何境遇之下。究無甚大之變化。個別雙生。不論與

以如何相同之感應法。終有甚大之差別。乃知先天性較強于後天性。生來之本性爲主。習得之慣性爲賓。先入者主。于是以定。夫人有恒言。種瓜不能得豆。蓋主重先天也。又曰學問變化氣質。蓋主重後天也。平心論之。二說固得一面之真理。然戈氏雖主重先天。與種瓜不能得豆之說稍異。以其內含有可變之意。可變又似重後天。又與學問變化氣質之說相遠。以其內含有漸變之意。漸變又似重先天。近朱者赤。近墨者黑。近之即赤即黑之事。實有所不能。故謂內性爲固定。確非固定。謂外感爲速應。亦非速應。如是以人爲淘汰法。使惡者漸向善者爲步趨。善者漸向至善者爲進行。一二代間。雖無顯著之變化可見。年久代遠後。必有日善之希望。性質爲然。身體精神亦然。戈氏善種本旨如此。

按戈氏論人性。與余驗南洋人種混化相符。考島民異種合婚。一二世不能全化。須三四世方能化完。其言漸變之說亦有徵。例如孔子大聖。不能遽化子路之修行。子張之堂堂。樊湏之粗鄙。司馬牛之言蹊。又如武周之政治。不能驟

化洛邑之頑民。必待成康之世。方能淪洽。戈氏可變漸變之說。自是確論。又英國劍橋大學中。有人種改造一科。且有實驗室。此即研究人種之將來。其研究方法。以政治組織與人類之關係。社會組織與人類之關係。衛生與人類之關係等等為基礎。而研究其所以影響于人類之將來者。又各就其所知之影響。一調查其因果。而研究其所以改造之法。抑其研究者尤不止此。居處與子孫之關係。家庭與子孫之關係。教育與子孫之關係。衛生與子孫之關係。食物與子孫之關係。乃至富豪與子孫之關係。下級苦工與子孫之關係。飲酒者和不飲酒者與子孫之關係。亦一一詳審而明辨。據其研究所得。則傳于其子者。親之本性占四成。乃至五成。教育與社會之影響。乃至一成有奇。所謂人種改良學。將藉社會組織之良善。衛生組織之完密。以得理想的子孫。終不能完全達其目的。是以欲得理想的子孫。唯有使本性之善者日益蕃昌。本性之惡者。速行滅絕而已。其說與戈氏人爲淘汰。及余盡道製造人性之旨相符。改良人性方法。其主重先天者亦有徵。例如太王之後有泰伯仲雍王季。王季

之後有文王。文王之後有武周。武王之後有成王。成王之後有康王。又如孔子之後有孔鯉。孔鯉之後有孔伋。孔伋之後有子上。又如曾皙之後有曾參。曾參之後有曾元。曾元之後有曾申。此皆先天遺傳本性之特徵。其主重後天亦有說。例如堯舜文武興。則民好善。桀紂幽厲興。則民好暴。五大宗教興。民多好神。現世科學興。民多好新。中國武校興。民多好戰。法國美術興。民多好奢。美國實業興。民多好實。此又後天習性變化之明徵。但主重先天。必先主重後天。主重後天。即主重先天。由現世改良人種。當亟從事于後天也。故修後天之後天性。爲今日善種不二法門。

右述修性善種方法。人主有權。天主無權。此將天人主權分爲六期列左。

(一)天主混沌期。是期命性。始判人猿。得數全中偏者生性爲猿。得數全中全者生性爲人。唯性數全合。無所謂三合性。即無所謂知行。與知行合一。無所謂九九合性。即無所謂五德。與主體本根會歸。無知無能。不道不德。太古野人時代之民性。即其例也。爲天主命性。無常變優劣異常時代。

應元問。初民無知無能。不道不德。由于人力未加。故人性不開。若謂太古天數渾淪。故人無知無能。何以現世天氣大開。尙有山番及非澳亞各部之蠻民。答。太古天氣未開。人性渾敦。全球人類。均是野蠻。至中古天氣漸開。人性漸啓。地球開化已有六古國。現世天氣大開。人性機緘大啓。世界日進文明。至山番及各部之少數蠻民。則因地勢不便。人力未加所致。非天氣不開之故。人類開化。論多數不論少數。天地開闢。觀人事不觀天氣。多數人事如是。即判其如是。天之于人。猶四時行而百物生焉。如時當初春。溫帶植物全未發生。至中春植物以次發生。至三春植物乃全發生。至初夏則發生而大盛。其有不生及不盛者。或因地質人力之不齊。不得咎四時之不行也。人性之開不開。何以異是。

(二)天主分歧期 是期命性。由小分而中分大分。始分數命性淳而渾。繼分數命性質而實。終分數命性紛而雜。如上古火食民淳。不識不知。中古熟食民樸。無機無械。近世和食民僞。多欺多詐。即其例也。爲天主命性。常變優劣異

常復雜時代。

應魁問、上期天數合一。人生性自然合一。是期人性分歧。人生性自然分歧。何謂天主有權。答、天氣一循天然。而無一定法則。太空之各氣星。必不循軌而行。勢將凌亂無序。卽人類進化。必不能由變形虫類、而珊瑚虫類、而畝壳無骨類、而魚類、而蛙及蜥蜴類、而獸類、以至猴人野人。以次進爲今日之人種。使此人類逐次進化。其主權何在。在于太陽熱力與地氣相感應。人類遂以次生生。由性數未開而進爲半開。由半開而進爲大開。唯人類進化。主之者固在太陽及地氣。而主張太陽之光熱。下感地氣。地氣之溫度。上應太陽。使水火既濟。化生不息者。其主權又何在。曰在天然。天然爲何。曰虛無。虛無者。始無極而終無極。內無極而外無極。至由無極大數大氣之根之本。結爲太極團體。上帝主宰。元氣元神以一。太極判爲陰陽五行。元氣元神以分。元氣分而生氣。而太空各氣星及人物化生之氣以定。元神分而生神。而太空各氣星及人物化生之本神以定。氣定性定。不謂之有主不得也。故主張人

性之合分。固在日氣地氣之感召。而日氣地氣所以能感召。與日氣地氣所自來。本于太極真元之凝結。而太極真元之凝結。本于大氣大數之天然。故謂爲天主也可。謂爲天然也亦可。

(二)天人共主發達期。是期人性由中盈而大盈。人事以次發達。命性屬天。天爲主。受性及盡性屬人。人爲主。天主有常變優劣異常。人主亦有常變優劣異常。由是期人權發達未全。受性及盡性之道。尙未能奪父天母地命性之天權也。唯天文家測地球與日月之相關。而日會內之各星。已能測其距度及周數。是人力能爲天。地學家考地質之層段。與空氣之厚薄。探險家尋五洲之新地。與五帶之氣候。而地文種種。已能詳絕。是人力能爲地。憲法家開法治之宗門。政治家立民權之主義。外交家訂和平之協約。是人力能爲人。格致家考物質之原理。藝術家競製造之新奇。化學家研合分之份子。是人力能爲物。舉天地人物。皆能得之實驗。不謂之天人共主不得也。

扶夏問。是期天人共主。有何實據。 答。人工漸能代天工。卽爲實據。分

政期。人事常變成敗聽之天。天安得不爲主。發達期。常變成敗任諸人。人安得不爲主。如古之祈雨祈晴。祈先農先蠶。求無災無害。皆用禱祀之禮。事事奉虛權于天。天亦有時而感應。如成湯之禱桑林。宋仁宗之獻心香。現世興水利。有水筒風車。興農桑。有農蠶新學。防雷防火防疫防痘防風雨。均有預防方法。欲周遊。有汽車飛機。欲製造。有各種新器。大權皆任諸人。腦力心力日研又研。故人事日新又新。如子女漸長大。將爲父母主持家政。據此以推。當造成無天無地世界。

謝業問、現世人事發達。人性何以愈失真。答、弊在專講外部中部精神之文明。而不講內部精神之文明。人性所以愈失真。如手力屬外精神之部。腦力屬中精神之部。心力性力屬內精神之部。習用手力。外部精神三合機能日敏。故製造日精。習用腦力。中部精神諸合機能日靈。故運用日神。人工進化。日新月異而歲不同實由此。但內部之精神不講。性之五行分機閉而五德淪。合機閉而主體本根會歸汨。現世人心道德之壞。原因在是。欲救其弊。須講身心性



命之內學。庶內外並進。而大同可期。

(四)人主全備期 是期人性。由小全而中全而大全。天主命性無權。人主受性。及盡性有權。人事大進。故天事大退。天命性。在先天之先天。其數虛。人受性。及盡性。在先後天及後天之後天。其數實。虛者難與實者相抵抗。主客之形勢異也。

扶夏間、上期人性。天人共主。是期人性。專由人主。人權已勝天賦。答、人權漸能勝天。由世界多數最優人種。能培受性。生性。育性之根。與全率性。養性。煉性。盡性之能。故能製造多數最優之人性也。

謝業問、製造多數最優之人性。從何起點。答、從改造人種始。改造人種。從淘汰劣種。培植善種始。法已詳上。

(五)人主大同期 是期人主大有權。天主大無權。性數機能。全仗人權力造。故受性全者。什之九。天主無權。故命性優者。大優。而劣者。不劣。異者。大異。而常者。不常。天數大變。人以天常濟之。變也。亦常。天數大劣。人以天優全之。劣

者亦優。天數大常。人以大異化之。常也亦異。如廢物經化學。皆可利用。如雜氣經化分。皆底清純。爲人性大同時代。

扶夏問、是期人性大同。有大忠孝。大聖人。大宗教否。答、國有大忠。國之不祥。家有大孝。家之不祥。世有大聖。世之不祥。世道有大宗教。世道之不祥。是期人性。性率天然。道根天性。何宗教之有。人皆大道大德。大才大能。何大聖之有。世皆太平無事。太和無爭。何大忠之有。子皆大聖大慈。大仁大願。何大孝之有。分歧發達期。大忠孝、大聖人、大宗教。世以爲異。至全備期。漸以爲常。至大同期。全以爲常。如入精金店。金皆精金。如產良米地。米皆良米。人性大同故也。

扶夏問、人性何由造到大同。請說明其製造之方法。答、一盡人心。二盡人氣。三盡人道。四盡人性。盡人心。由盡自心而盡天地心。盡人氣。由養自氣而合天地氣。盡人道。由盡本然而盡所以然。盡人性。由盡自性而盡天地性。人心人氣人道人性盡其在我。我之性氣全。迄合氣合數授性守後人。先天受性

生性必完。至胎元九九。自然胎養胎教育氣育性必完。至誕期、化機育機更完。自小兒而成立。自然教育、及率性養性煉性盡性之道無一不完。人主既無一不完。天主命性雖有變劣數。終不敵人主製造完全之大權。人性造到大同。理由如此。

扶夏間。是期有變劣性常性否。答、變劣性。氣數化變稍加。氣數安常殊少。至常性無期不有。唯常性無常。合一期無知無能爲常。分歧期生知生能爲常。發達期競知競能爲常。全備期多知多能爲常。大同期大知大能爲常。衰落期至知至能爲常。如合一期有巢燧人。教民巢居火食。古以爲優。今以爲劣。分歧期羲皇創卦畫嫁娶。農皇肇稼穡本草。軒皇肇國邑宮室衣裳書契律曆。昔以爲異。今以爲常。舜在璇璣。禹定田賦。文王造靈臺。周公制官禮。唐虞開共和。三代啓君憲。昔以爲異。後以爲常。孫吳著兵書。申韓優法律。蘇張善縱橫。蒙恬能造筆。蔡倫解造紙。馮道造印板。前以爲異。今以爲常。至測天文。量空氣。探地段。明氣候。製飛機潛艇。立民權法治。精化學。造人種。窮物質。創神

奇。今以爲異。全備期以爲常。至盡天地道。使大生大化之天。廣生廣化之地。無遺憾。盡人物道。使小生小化之人。又小生化之物。無遺憾。全備期以爲異。大同期以爲常。至外修化空而爲空。食空居空遊。內修真訣而歸太玄太虛。大同期以爲異。衰落期以爲常。須知知能隨時進化。道德亦隨時進化。上古無知無能。不道不德。性數合也。中古生知生能。有道有德。性數分未複也。近世小知小能。現世競知競能。失道失德。性數分太雜也。後世多知多能。多道多德。性數分而小合也。再後世大知大能。大道大德。性數中合也。最後世至知至能。至道至德。性數大合也。天主命性。大同期本無權。至主張人主大同之性數。無權又有權。人力能造成無地無天世界。終不外地氣天氣世界。人主權力。終爲天主權力所範圍。大數本然者。

(六) 人天共主衰落期。是期人生有權而終無權。天主無權而終有權。而天氣數大有權。由人道漸歸退化。道歸不道。德歸不德。老子清淨無爲。釋迦虛無寂寞之世。但老子無爲之旨。欲返太古之無爲。是期人性。由大有爲而歸無

爲。所謂至爲無爲。至化無化。大道不道。上德不德也。

右列六期。一期人權未起。天主有權。次期人權幼稚。天主尙有權。三期人權發達。天人各佔半權。四期人權全備。天主無權。五期人權大同。天主全無權。六期人權衰落。天主又有權。而大氣數之天然有權。由天而人。又由人而天。而氣數。而天然。天主乎。人<sub>主</sub>乎。天然耳。(人道人氣人死三卷人爲下卷及天氣進化九圖地氣進化五圖人氣進化十四圖候印)

# 勘誤表

## 人道進化

頁數

行數

字數

能誤

家正

加

二〇

九

十二

而

漏

## 人爲進化

四

九

廿七

居造

一八

九

七

屆理氣

居爲器

二二

十三

二

君主

## 人生進化

一七

十

六

加

次

二七

八

三

云

代

三一

十一

五

飛船

輕球

## 人性進化

八

一〇

二及三

三二

八

二七

或命性

民國十九年初版

通信

泰安樓

漢口湖南書局

大光書局

命書局

定價銀七角

10

444573

10

444573